



Moa long 3,000 pikinini bilong yumi gat AIDS binatang

...Ol lida mas wokbung long pait na daunim dispela sik

Veronica Hatutasi i raitim

SAMTING OLSEM 3,100 pikinini long kantri i karim pinis binatang bilong sik AIDS.

Dispela em long moa long

34,000 pipel long kantri i gat sik AIDS. Samting olsem 31,000 em ol bikipela manmeri husat i gat sik AIDS pinis.

Na singaut i go aut long ol Palamen memba na ol narapela lida bilong putim han wantaim na go

pas long mekim wok long pait agensim sik AIDS insait long ol komyuniti, ol lokol level gavman, distrik, provins na kantri.

Gavana Jeneral Se Paulias Matane i bin tokaut long ol dispela samting taim em i lonsim 5-pela

yia Nesenel HIV AIDS Stratejik Plen bilong 2011 – 2015 long taim ol i makim Wol AIDS De aste (Trinde, Desemba 1).

Samting olsem 400 pipel i gat long em ol sampela bikman bilong ol Hai Komisen, Yunaitet Nesens, Helt dipatmen, ol sampela skul sumatin, ol Nesenel AIDS Kaunsel Sekreteriet, midia, ol dona na developmen patna, ol sios, na ol non gavman ogenais-esen husat i wok patna wantaim em long pait agensim sik AIDS i bin stap long selebresen long tingim na givim luksave long dispela de.

Se Paulias i tok piksa bilong PNG i no gutpela taim ol rekot i soim olsem em i namba wan kantri long Pasifik rijen we mak bilong pipel i gat sik AIDS i bikipela moa long ol arapela kantri.

Tasol em i tok sampela gutpela samting i wok long kamap bikos long las yia, mak long ol yangpela pipel namel long 15 na 49 kris-mas we i gat bikipela sans long kisim AIDS binatang, i go daun long 92 pesen.

Em i tok gutpela samting tasol yumi mas noken slek na mekim ol wok long daunim yet mak i go daun moa.

i go moa longpes 2

Wol Aids Dei

Pes 6,8,21&23



MAKIM WOL AIDS DE: Ol wokman meri bilong Coffee Industry Corporation long Goroka i makim Wol AIDS De long Disemba 1 long aste wantaim stail stret. Hia em olgeta wokman meri sanap long lain makim Red Ribon em mak bilong Wol AIDS De. Sif Eksekutiv Opisa bilong CIC, Navi Anis, husat i sanap long grup i tok HIV na AIDS em hevi olgeta pipel i mas wokbung long banisim. Em i tok moa aweanes i mas kamap. Em i tok hevi bilong HIV na AIDS em wangepela hevi tu long kopi indastri long taim ol manmeri i no yusim gut kopi mani. Olsem na moa awanes i mas kamap long banisim HIV na AIDS long PNG. *Poto: Augustine Dominic bilong CIC*

**Teksim
Fevret
Sta blo
yu!**

Lukim EMTV displa Sunde long 6:30pm nait. Teksim nem lo sta yu laikim i go lo namba1699 na bai yu go insait lo laki dro we yu inap winim kes moni na fri kredit!

**Digicel
stars**



Digicel

Bikipela, Storpela moa Netiwik bilong PNG.

Digicel tems na kondisen istap insait

Stap nau long stua klostu long yu

NUPELA YELO FIN TUNA

wantaim lombo na soya bin wel

TRAIM WANPELA TUDE!

Namba wan kaikai bilong PNG ...

Luteran Yunivesiti bai stat long 2012

Bustin Anzu i raitim

LUTERAN Yunivesiti bilong Papua Niugini bai stat mekim wok olsem Yunivesiti long 2012. Namba tu Asosiet Projek Dairekta bilong dispela nupela Yunivesiti Apeke Taso i tok.

Taim em i toktok long namba 46 pri sevis na namba 9 in sevis Balob Tisa Koles greduesen long Se Ignatius Kilage Stadium, maski em i let liklik long stat mekim wok bilong em olsem wanpela Yunivesiti, em bai opim dua bilong em long dispela taim na mekim kamap wanpela gutpela skul insait long kantri na tu long wol.

“Dispela Yunivesiti bai mekim wok bilong em olsem wanpela bikpela skul insait long 2012. Em bai kamap wanpela gutpela skul insait long kantri na wol.

“Em bai opim dua bilong em long olgeta na kain kain manmeri husat i laik skruim save bilong ol. Ol bai kisim digri bilong em long edukesen, tioloji na ol narapela wankain kos we dispela Yunivesiti bai kamapim,” Taso i tok.

Taso i bin kisim ples bilong Memba bilong Kandep na namba tu Praim Minista na Minista bilong transport na woks Don Polye. Em i tok olsem em bai kamap long dispela greduesen, tasol em i no soim pes.

Ol sumatin wantaim ol tisa bilong ol, ol pamama bilong pikinini na ol narapela bikman meri i no wari olsem namba tu bikman bilong kantri i no kamap, ol i go het wantaim greduesen bilong ol.

Taso i tokim ol sumatin long mas go bek gen long dispela bikpela Yunivesiti bai kamap, long skruim save bilong ol long edukesen na kisim digri kos.

Em i tok tu olsem Luteran sios em i wanpela olpela sios insait long kantri na kamapim planti ol gutpela lida bilong kantri na dispela sistem bilong luksave mas stap yet na strong olgeta.

Wantaim dispela kain luksave, planti manmeri bai skul long Luteran Yunivesiti na pinis long dispela wantaim ol gutpela pepa bilong wok.

Moa long 250 sumatin i pinisim dispela skul, we 331 em bilong pri-sevis na 29 bilong in-sevis i sindaun wantaim long pasim bilong skul.

Long wankain nus, 16-pela tisa bilong Balob bai go long Australia long neks yia long kisim digri pepa bilong ol long edukesen.

Taso i tok ol tisa insait long Balob bai go long Charles Stuart Yunivesiti long Nu Saut Wales, Australia long namba 4 mun long neks yia.

Ol dispela tisa i bin wokim skul wok bilong ol long onlain o intanet we Infomesen na Kominikesen Teknoloji i bin putim kamap long sampela yia i go pinis.

Ol tisa i bin wokim 8-pela modul o hap bilong ol insait long 3-pela yia na neks yia em ol bai go kisim pepa bilong ol.

Aninit long Kontrak bilong ol tisa wantaim Balob, ol bai tis long skul long 5-pela yia na bihain ol i ken go utsait sapos ol i laik i go aut.

Dispela program i kamap bihain long Balob i bin kamapim dispela ICT long skul na bihain join wantaim Yunivesiti bilong Charles Stuart bilong Nu Saut Wels.

Moa long 3,000 pikinini bilong yumi gat AIDS binatang

i kam long pes 1

Em i tok gavman i givim moa mani aninit long 2011 nesanel baset i min olsem gavman i no tanim baksait long sik AIDS, tasol i luksave olsem sik i stap pinis na em i mas helpim long pait agensim dispela sik nogut.

Se Paulias i tok sapos PNG i daunim spak pasin, ol drag na strongpela spakbrus, wanpisin pait, man i maritim moa long wanpela meri o planti meri, na ol samting olsem, mak bilong sik AIDS bai go daun.

Het tok bilong 2010 Wol AIDS De em “Yunivesal Ekses na Humen rait”.

Nupela HIV AIDS plen bai givim bikpela moa luksave long stopim sik i kalap long moa pipel, gutpela lukaut na sapot na strongim ol sistem i stap pinis.

Se Paulias i tok dispela em gol bilong yumi olgeta bai yumi mas inapim long 4-pela yia i kam bipo long yia 2015 i kamap.

Wenge no laikim ol meri sotkat i go long palamen

Michael Novingu i raitim

PASIN bilong makim ol meri long kisim sia long palamen i no stret. Ol manmeri mas votim ol long kamap memba bilong palamen.

Gavana bilong Morobe, Luther Wenge, i tokim wanpela midia kibung long Lae las wik olsem planti memba long palamen i no wanbel long ol meri kisim sia nating long sindaun long haus palaman. Ol manmeri mas votim ol long kamap memba bilong palaman.

Wenge i tok ol rijinel sia bai ol i rausim long 2012, tasol 22 nupela sia ol bai kamapim long palaman i min olsem rijinel sia bai stap yet.

Em i tok ol i mas mekim senis long ol gen long makim wanpela meri long Jiwaka na Hela provins pastaim long ol i makim ol meri i go insait long palaman.

Bikpela toktok i stap nau olsem ol memba bilong palaman i no wanbel long putim ol meri kisim sia nating long palamen, ol i mas bihainim rot stret long ol manmeri mas votim long kisim sia long palaman.

“Moa yet, sapos dispela i kamap loa long

ol rijinel memba i pilim olsem ol meri bai lukautim wok bilong meri na tu ol man long provins bilong ol,” Wenge i tok.

“Haus palamen em i bilong olgeta manmeri, tasol ol meri i painim hat long winim ileksen long kamap memba bilong palamen. Ol i laik wokim sotkat i no stret.”

Wenge i tok sapos ol meri i painim hat long winim ileksen, orait ol man i mas painim rot long helpim ol meri long kamap memba long palamen.

Em i tok olsem rijinel memba bilong Morobe provins ol manmeri mas votim na larim ol manmeri makim ol long traim kisim sia long lukautim provins.

Wenge i tok olsem em i stap longpela taim olsem Gavana bilong Morobe provins em i wokim tupela wok i hat, em i laikim ol open memba long go long palamen long makim provins na Gavana bai stap long lukautim provins.

Em i tok olsem sapos sia bilong rijinel i stap nating, orait larim 22-pela meri ol i makim long makim maus bilong ol long palamen.

OXFORD, TOK PISIN INGLIS DIKSENERI

Katim, na pulimapim oda fom daunbilo na salim i kam long Wantok Niuspepa sapos yu laik baim dispela Oxford Papua Niugini Dikseneri (Dictionary) we Wantok na Oxford i wok bung wantaim long kamapim. Dispela buk i ken helpim yu tanim Tok Pisin i go long Inglis, o Inglis i go long Tok Pisin. Hariap na kisim wanpela bilong ol dispela gutpela buk we inap strongim Tok Pisin bilong yu.

ORDER FORM

TITLE	ISBN	PRICE (inc GST)	QTY	SUBTOTAL
PNG Tok Pisin English Dictionary	9780195551129	K38.50		

Estimated total (incl GST) at the time of printing and is subject to change without notice.	TOTAL	K
	POSTAGE	K
	GRAND TOTAL	K

- Options for Payment**
- 1) Direct deposit into bank account (details below)
 - 2) Mail Cheque to Word Publishing Company Ltd, PO Box 1192, (Palmyra, NIU)
 - 3) Call into the office: Office 02, Section 18 Administration, Wingeke, PNG

Account Name: Word Publishing Company Ltd
 Account Number: 100 000 5380
 Bank: Bank of South Pacific Ltd
 Branch: Commercial Centre
 Branch Code: 8951
 Swift Code: BOSPNGM

FAX BACK TO : (675) 325 2579

If you are ordering more than one copy please contact us for a quote.
 Phone: (675) 325 2590
 Fax: (675) 325 2579
 Email: word@wantok.com.pg

Name (print): _____ Phone: _____
 Address (print): _____

 Email: _____ Signature: _____

Happy 4th Birthday



RICHARD HUNTER J. TJANGAU
 01st December, 2010

Love you heaps!
 B/Day greetings & hugs i kam long olgeta squad long Crane Street, Erima.
May God's blessings be upon you now and always!

DEATH NOTICE

This is to notify family relatives, inlaws & Friends of late;



AVIA KONE-OA

on her untimely passing,
 on the evening of Friday 26th
 November 2010.

Haus Krai: Gordons Flats
 Contact: Tapusi Kone- D/72103408 or
 BM/76689888

Wok painimaut bai sekim Torokina Welpam projek

KABINET bilong Otonomes Bogenvil Gavman (ABG) i makim wanpela tim long kamapim wanpela wok painimaut i go insait long Torokina Welpam projek long Saut Bogenvil, taim i gat toktok olsem sampela paul pasin i bin kamap.

Sif Eksekutiv Opisa Komes na Tred divisen long Bogenvil, Albert Kinani, i tok kabinet bai lukluk long dispela ripot na mekim disisen long ron bilong dispela projek.

Edministreta bilong Bogenvil i bin tokim DPI long givim menesmen bilong dispela projek i go long Komes na Tred divisen.

Dispela tupela divisen i bin bung las wik na DPI i givim i go long Komes na Tred divisen, olgeta pepa bilong dispela Welpam projek.

Komes na Tred divisen i wok long lukluk insait long olsem wanem dispela projek i bin ron, na wetim tasol toktok bilong kabinet.

Bogenvil Kopa se prais go antap

PRAIS bilong ol sea bilong Bogenvil Kopa i go antap long mak bilong 20 percent long tupela days bilong treading.

Niuspepa bilong Australia em The Australian na Wall Street Journal i ripotim dispela nupela prais long nius bilong ol long dispela wik.

Dispela tupela niuspepa i ripot olsem sea prais i kalap go bikpela bihainim prais bilong kopa na gol long dispela taim na tu, ol sampela kampani long kantri Saina i soim tingting bilong ol long baim Panguna Mine long Rio Tinto.

Papa bilong main, em Rio Tinto, i gat 54 pesen sea, nesenel gavman i gat 19 pesen na Vanguard i gat 2 milion sea long 5 pesen.

Panguna Main i gat risos i sanap long manimak i klostu long 4 milion ton bilong kopa na 13 milion auns bilong gol.

Websait bilong ol Yuropien seaholda ESBC, i tokaut olsem mani mak bilong Panguna Mine i stap long 12 bilion long US dola o mani bilong Amerika o klostu long K40 bilion.

Em bai kostim mani mak bilong 12 bilion kina long opim bek main na salim ol gol na kopa.

Bipo 'pothol siti' nau, 'rabis siti'

LONG ol wik i go pinis, ol pipia o rabis i bin pulap na ol wok lain i no go na rausim. Na dispela i kamap ples bilong ol lang long mekim haus bilong ol.

Ol kontrakta we Lae siti kaunsil i makim long pikim ol kain rabis olsem i no pikim hariap.

Sampela taim ol i bisi o ol i gat narapela wok na i no kisim hariap tumas. Dispela i kamapim kain rabis olsem long stap yet.

Lae Eben Lokok Level Gavman save kamapim ol kontrakta long pikim ol kain rabis olsem na ol narapela wok insait long Lae siti.

Long las yia, Morobe Provin sel Gavman i tok promis olsem 22 pesen bilong win mani we Nesenel Gavman i givim long ol, bai go long Lae Eben Lokol Level Gavman. Dispela bai givim Lae siti kaunsil long yusim sampela mani bilong ol yet long mekim



Wanpela rabis dram long Eriku, we pulap long rabis na Siti Kaunsil i no rausim hariap.

wok bilong lukautim Lae siti.

Tasol, i gat tok olsem Siti Meya James Khay i wok long

wetim ol dispela mani yet, we Gavana Wenge i bin tok promis long en.

Komyuniti woka askim long apim pe

APIM potnait pe bilong ol memba bilong palamen i no go stret tru long bel bilong planti wod kaunsela long ol distrik na ol komyuniti woka insait long ol asples long Papua Niugini.

Las wik wanpela sios lida na komyuniti helt woka insait long Vanapa lokol level gavman eria long Sentrel provins i no amamas tru long dispela nius bilong ol memba bilong palamen i kisim moa pe go antap long bikpela potnait pe ol save kisim long en na stap.

Gerea Maino i tok sapos palamen i ken apim pe bilong ol gras rut lida olsem ol wod kaunsela na ol komyuniti woka insait long helt, edukesen na sosel woka em bai

orait tru bikos ol dispela lain em ol bun tru bilong karim hevi na pen wantaim ol pipel olgeta de.

Mista Maino i tok taim ol memba i amamas wantaim bikpela pe bilong ol na kam daun long ol pipel, ol sindaun liklik taim tasol wantaim ol na ronawe go bek pinis long Waigani na ol pipel stap bek wantaim hevi bilong ol. Taim sevis bilong gavman i no kam daun hariap long ol pipel, ol turangu komyuniti woka save kisim taim tru bikos ol pipel save kukim ol wansait tru wantaim ol kainkain toktok. Ol memba save go bek long Mosbi na kisim gut win stap na ol komyuniti lida na komyuniti woklain ya save kisim pen bilong gavman stap.

Mista Maino i askim sapos inap gavman i lukluk daun na apim pe bilong ol dispela grasrut woklain ya wanpela taim. Taim gavman i apim pe bilong ol memba, dispela i soim olsem kantri i gat planti mani olsem na ol mas skelim go daun long olgeta opisa long grasrut level tu.

Mista Maino i autim dispela bel hevi bilong em long tupela gavman opisa, wanpela em sinia loya bilong gavman na narapela em wanpela sinia pablik sevens long Mosbi taim ol bung long wanpela famili bung long ples antap long Vanapa long Hiritano haiwe.

Sinia loya ya husat no laik autim nem bilong em i tok taim gavman save apim pei bilong ol

pablik sevens bilong dipatmen, ol no save lukim trupela mining o kaikai bilong dispela nupela pe.

Em tok sapos Gavman givim ol 5 pesen (%) o 10 pesen em olsem K20 o K30 tasol go antap long pe na bihain inkam takis save kisim bek dispela mani gen. Orait long potnait pei stret em ol lukim mak olsem K10 o K15 tasol save stap na dispela i no wanpela trupela senis long pe bikos inkam takis save kaikaim gen dispela mani.

Tasol em tok ol memba bilong palamen em ol save apim pe bilong ol mak long 50 pesen (%) go antap olsem na dispela em antap moa we ol ken lukim sampela bikpela senis long pe maski

inkam takis i rausim hap pe bilong ol.

Sapos olgeta pablik sevens ken kisim 50 pesen (%) pe go antap em bai stret bikos yumi ken tok olsem gavman i apim pe bilong ol wokman go antap winim ol turangu lain long distrik na ol ples woklain.

Dispela belhevi bilong Mista Maino i wankain tu long sampela bel hevi we i kamap pinis long ol wod kaunsel bilong ol distrik insait long Papua Niugini we ol save kisim tasol K50 fotnait long wanpela mun.

Ol kaunsela tokaut olsem ol tasol em ol as tru bilong karim hevi na pen bilong pipel olgeta de na stap wantaim.

PNG's Nambawan Mackerel

FINEST QUALITY

Besta

PNG MADE

It's Better, It's Besta!

Oro komyuniti sapotim agro-forestri developmen

OL manmeri long ples i laikim developmen long kamap long sapotim laip bilong ol.

Ol i amamas long ol toktok bilong gavman na ol investa long kamapim wok long hap bilong ol.

Tasol ol i no save wanbel taim dispela ol toktok i maus wara o ol investa i paulim na kisim samting bilong ol i go na ol i no lukim gutpela sindaun.

Dispela i sampela ol belhevi toktok Dipatmen bilong Agrikalsa na Laipstok (DAL) na Oro provinsel edministresen i kisim long Eroro Sambogo ples.

Ol opisa i kisim dispela ol toktok bihain long ol i karimaut wanpela wok long agro-forestri projek i kamap long Eroro Sambogo.

Ifane intagreted projek i lukluk long developim kakau, kopi, kasava, balsa na ol arapela kes krop long bringim senis long laip bilong ol manmeri.

Maski planti ol papagraun, klen na komyuniti lida i sapotim projek we ol i tok graun bilong ol i bikpela samting tasol ol i laik yusim gut long sapotim laip bilong ol.

Ol manmeri laikim developmend we i ken bringim sevis i go long ol, strongim infrastraksa na kamapim wok bisnis.

Ol i tok projek bikpela inap long strong ikonomi na senisim laip bilong ol long ples.

Velet Egimbari, wanpela sif bilong ples na papagraun, i tok graun i bikpela samting tasol sapos ol manmeri i no plen na



WELKAM! Ol meri long Urio ples, Oro Be i amamas, putim bilas na tok welkam long ol opisa.

yusim gut graun bilong ol dispela bai lukim sindaun bilong ol bai stap wankain.

Em i tok ol papagraun, investa, gavman na ol arapela patna i mas wok wantaim long lukim projek i kamap long ples bilong ol.

Narapela komyuniti lida na papagraun

tu, Jerry Haembo, i tok projek bai helpim ol manmeri long bihain taim na olsem wok i stap long han bilong ol investa long ol i mas tok tru taim ol i toktok wantaim ol papagraun long kamapim wok.

Dennis Egimbari i tok PNG i kantri i pulap long ol wok bilong didiman o agrikalsa na olsem ol manmeri i mas lukim agrikalsa i gutpela wok bisnis long laip bilong ol na i no wok maining.

“Ol manmeri i mas pinis long driman na senisim tingting long ol rot ol i save mekim wok bisnis na lukluk long ol gutpela rot bilong sapotim laip bilong ol,” Mista Egimbari i tok.

Papagraun kampani, Ifane Risoses Ltd namba tu siaman Lomas Ehembo i tok dispela projek i kam olsem “nupela de” long ples bilong ol.

Mausmeri bilong ol meri, Mary Tibong na Rose Haiembo, i singaut long moa luksave i mas go long ol meri i wok agrikalsa long sapotim laip na famili bilong ol.

Ol i tok ol meri i gat bikpela ples long sait bilong kamapim developmen na olsem gutpela luksave na sapot i mas go long ol.

Ol i tok em i taim nau ol man i mas lukim long ol meri olsem ol i poroman bilong ol long inap dispela tok ol i kolim developmen.

Ol i tok sapos ol meri i nogat wanpela sait bilong developmen bai i no inap long kamap.

Deputi seketari bilong DAL, Francis

Daink, i tok gavman i gat laik long bringim developmen i go long ples bilong ol tasol long wankain taim ol manmeri i mas lusim graun bilong ol bai ol wok i ken kamap.

Olsem ol investa i ken kamapim wok long ples bilong ol.

Mista Daink i tok ol gavman polisi na plen olsem Visen 2050 i lukluk long kamapim gutpela sindaun na daunim hevi bilong turangu pasin.

Na kamap bilong ol kain projek oslem Ifane agro-forestri projek i wanpela bilong dispela ol projek we gavman i laik bringim long Eroro Sambogo ples na ol arapela hap bilong Oro provins.

Long bekim Oro provinsel agrikalsa edvaise, Davidson Jeune, i tok pablik praivet patnasip (PPP) progrem i rot gavman i yusim long bringim developmen i go long ol manmeri.

Em i tok wanpela samting we i pasim wok developmen em long ol manmeri i holim yet graun bilong ol.

Sapos ol i ken rejisterim na askim long kamapim wok long graun bilong ol, dispela bai lukim senis long sindaun bilong ol.

Jacob Kairi, dairekta bilong Ambogo Somil Ltd, investa kampani long dispela ples i tok kampani i save long ol lo i stap bilong kamapim agro-forestri projek tasol i tok hevi i stap long han bilong ol papagraun long ol i mas tok orait pastaim long wok i kamap long graun bilong ol.

DAL opisa kisim luksave

PLANTI ol pablik sevans bilong gavman i save wok hat na i wok planti yia tasol nogat wanpela luksave i save go long ol.

Ol i givim olgeta taim, tingting na strong bilong ol long givim sevis long ol arapela manmeri tasol liklik taim ol manmeri i save amamas na tok tenk yu long sevis bilong ol.

Sampela taim maski taim i no gutpela tasol ol i suvim het long lukim olsem sevis i go long ol husat em i mas helpim ol.

Bikos long dispela luksave i mas go long ol kain opisa olsem.

Long agrikalsa sekta, i gat kain ol opisa i stap.

Na long lukim ol i kisim luksave dipatmen long las foapela yia i lukim sampela opisa i kisim awot long Kwin na gavman bilong PNG aninit long Nesenel Logohu awot progrem.

Dispela ol opisa i kisim luksave long planti yia ol i givim sevis long pablik, komyuniti na kantri.

Wanpela bilong dispela ol opisa em Nako Kating, husat i statim wok wantaim kwarintin seksen long DAL olsem klina na bihain kamap olsem hendiman.

Long taim kwarintin seksen i kamap olsem Nesenel Agrikalsa Kwarintin na Inspeksen Atoriti (NAQIA), Kating i skruim wok wan-

taim dispela atoriti inap long nau we bihain long 41 krismas em i kisim Britis Empaia Medol (BEM) olsem luksave bilong em.

Narapela opisa, Taria Keleilagi, i kisim awod bilong Imperiel Sevis Oda (ISO) awot bihain long 36 yia sevis em i mekim. Nau em i stap olsem sinia kwarintin opisa.

Charles Arua, infomesen na ekstensen edvaise wantaim DAL long Sauten Rijen opis, i kisim Memba bilong Britis Empaia (MBE) awot long 30 krismas em i wok wantaim dipatmen.

Ol arapela opisa em Sam Imine husat i tisa na deputi prinsipel long Hailans Agrikalsa Kolis long Mt Hagen i kisim Memba bilong Oda bilong Logohu (ML) medol long 36 krismas em i givim sevis long dipatmen na wantaim em em Dokta Gibasa Asiba long 30 krismas em i givim sevis long dipatmen

Ol arapela tu em Joseph Agovaua (raba indastri) ML, Ian Onaga (baiokemistri na saiens teknoloji) MBE, na Norbert Ao husat i kisim BEM long maketing.

DAL Deputi Seketari long Teknikol Sevise, Francis Daink, i tok amamas long ol opisa na i tok luksave i kamap bihainim sevis ol i givim long dipatmen, komyuniti na kantri.

Gat wok lo Hapim, Pullim Ropim o Titim? Em mipela igat ol rite samting lo yusim!

BISHOP BROTHERS
everything for industry...

Tel: 081 888 8888 www.bishopbrothers.com.au

5-yia HIV na AIDS Stratejik Plen I stap pinis

Veronica Hatutasi i raitim

NUPELA 5-pela yia Nesenel HIV/AIDS Stretjik Plen (NHASP) bai ron long 2011-2015 ol bin lonsim tude aste bai lukluk long tripela prairiti eria.

Em long stopim sik long kamap na kalap i go long moa pipel, kaunseling na strongim sistem bai karimaut gut wok.

Dokta Moale Kariko bilong Nesenel AIDS Kaunsel Sekreteriet (NACS) i

tok long strongim sistem eria, ol bikipela samting i kam aninit long polisi na gaidlain, jenda, nesenele risets em ol bai givim stia long strongim na skruim wok aninit long nupela NHASP.

Em i tok ol ples long PNG we sik AIDS i gro bikipela moa na nupela NHASP bai skruim wok long ol em 5-pela provins long Hailans rijen, Nesenele Kapitl Distrik na Morobe provins.

Taim em i no tokaut stret long mak

bilong manmeri long PNG i gat AIDS binatang, em i tok anti netel klinik o klinik bilong ol bel mama em wanpela eria we Helt Dipatmen i save sekim na kisim rekot bilong ol lain i gat sik binatang bilong AIDS.

Em i tok tu olsem NACS i wok patna wantaim Intenesenel Edukesen Ejensi (IEA) long karimaut ol wok trening. Na kampani CARDNO menesim 37 Tingim Laip Program em i ronim long ol "hai risk" eria na lain.

YUMI na HIV
WANTAIM
Fr Jude Ronayne
Forde OFM



AIDS DE 2010

Mi RAUN long dauntaun Pot Mosbi na mi lukim ol i hangamapim tripela retpela laplap long planti ol bikipela bisnis haus bilong makim Wol AIDS Day, Desemba 1. Planti ol i bilasim ol ples na bisnis bilong ol olsem. Na i gutpela. Gutpela ol manmeri i tingim dispela sik nogut i stap nau long kantri bilong yumi. Pret long kisim sik em i gutpela samting na wanwan i was long skin bilong em i gutpela. "Prevention", na ol manmeri i tingim gen dispela birua-sik i stap em i gutpela. Tasol Wold AIDS De em de bilong tingim ol man na meri na pikinini i kisim hevi long dispela sik tu!

I gat stori long niuspepa long man i slip i stap nating long Ela Beach – ol i gat piksa bilong em long niuspepa: "Dumped and left to die". Ripot i tok man i mas i gat bikipela sik olsem TB o AIDS na famili i rausim em long haus. Em i slip i stap olsem long tupela wik nau. Ripot i tok sampela gutpela manmeri bilong komyuniti i wok long painim rot bilong helpim dispela sikman. Ol i tok ol i traim hat long painim mani bilong baim kar (ambulance) bilong karim em i go long haus sik. i luk olsem, komyuniti i painim hat long helpim sikman. Pot Mosbi inap stretim tok na redi gut long selebretim Wold AIDS De tasol ol i no inap helpim wanpela sikman! Yumi longlong o yumi prët o sot long tingting o wanem? Man i sik – yu go helpim em – em tasol!

Nau taim bilong Wold AIDS De na planti toktok nating i kirap na ol i westim planti mani nating long kainkain kibung. Mani bilong helpim kain sikman i stap we? Sori! Nogat mani!

Mani bilong AIDS i stap bilong ol long baim ol wokman na opis na kar. Na baim bilas na hangamapim retpela laplap nabaut. Planti mani i stap tasol, mani bilong helpim ol sikman i stap we? Sori! Nogat mani!

Switpela toktok i stap na ples i pulap long ol mauswara man na meri – tasol, kaikai tu i swit long sikman i hangre na i klostu long indai. Mani bilong helpim ol sikman i stap we? Sori! Nogat mani!

Giama tok long wok HIV/AIDS long yia 2010 i no isi. Sem long komyuniti i no save lukautim siklain bilong ol.

Sem long komyuniti i larim sikman i slip longtaim long ples publik, na i nogat helpim i kam long komyuniti.

Rong i stap long ol famili i no lukautim siklain bilong ol.

Rong i stap long komyuniti i wok long go i kam na i no helpim man - wankain long stori bilong Gutpela Samaraitan.

Rong i stap long ol Gavaman sevis i no lukautim siklain

Man i gat rait long laip!

Wanem hap long Pot Mosbi bai yu painim ples o haus bilong lukautim ol lain i nogat haus o ples long slip. Mi tok long ol widow meri, ol pikinini i nogat papamama na ol meri i kisim hevi long man bilong ol long marit-laip (violence) na ol siklain lain ol i rausim ol long haus. i gat wan wan ples i stap, tasol ol liklik ples i no inap. We i gat ples bilong ol AIDS-lain inap go slip long nait? Ating insait long citi nau i nogat nau!

Sanapim ol giama-diwai bilong Krismas na ol giama-enimal bilong bilasim siti em i gutpela. Yumi laik lukim bilas tu! Tasol, man na meri na pikinini i namba wan; bilas i ken kam bihain. Wanem taim bai yumi sanapim sampela haus bilong lukautim ol lain i save slip long rot long nait?

Ol AIDS-lain bai lukim ol bilas na harim ol toktok nating long Desemba 1 na bai ol i tok: "Mipela i gat sik tasol husat bai helpim mipela?"

Siti bilong Mosbi i sot tru long wok marimari na i strong long bilas nating.

Tasol, nau klostu long Krismas, ol lain i hangre na nogut haus i ken wokabaut long nait na lukim bilas bilong siti. Jisas tu i "nogat haus long slip".

Sem long Pot Mosbi i no lukautim ol lain bilong em.

Ol yangpela nogat gutpela save long AIDS

WANPELA wok painimaut i soim olsem planti ol yangpela manmeri long Bogenvil i ken kisim binatang billong sik AIDS na ol seksueli trensmittit sik o STI long wanem, ol i nogat gutpela save.

Care International Program kodineta long rijin, David Haputo, i tok dispela wok painimaut i soim olsem planti yangpela i nogat save long yusim kondom o karamap, na rot bilong abrusim HIV binatang. Na rot em i kalap long wanpela i go long narapela.

Em i tok tu olsem planti long ol yangpela i start long slip wantaim poroman o poromeri bilong ol long taim krismas bilong ol em 19.

Ol i painim aut tu olsem planti ol komyniti i no amamas long pasin bilong yusim kondom na tu, ol i no save helpim long toktok bilong abrusim ol kain hevi.

Care International i bin karim aut dispela stadi long ol ol komyuniti insait long Buka na Tinputz.

Ripot long dispela stadi i lukim olsem pasin bilong yusim kondom bai kamap strong sapos ol pipel i kisim skul toktok long yusim kondom, bai ol i amamas long yusim na tu, long rot bilong yusim.

Long wankain taim, ol lida blong Tonsu ckon-

stituensi i bin kirap nogut taim Care international i bin tokaut long wanem samting ol i painim long wanpela stadi blong ol yangpela ol i bin karim aut liklik taim i go pinis.

Kodineta Haputo i tok dispela stadi i soim olsem ol yangpela insait long dispela area, i save slip wantaim kainkain manmeri, na sampela i save kisim mani tu long ol dispela kain pasin.

Em i tok ol lida i kirap nogut long wanem ol i no save olsem dispela kain pasin i save kamap long ol yangpela insait long komyuniti bilong ol.

Mista Haputo i tok tim bilong em i bilip olsem dispela em bikipela hevi long wanem, ol komyuniti i no save kisim tingting bilong ol yangpela long taim bilong ol bikipela kibung.

Dispela tim i tokim ol lida long kisim tu tingting bilong ol yangpela lain long ol kain hevi nau i wok long kamap. N a noken yusim ol tasol long mekim ol wok insait long komyuniti.

Mista Haputo i tok taim ol komyuniti i putim ol yangpela insait long kibung bilong komyuniti, em bai helpim ol long kamap gutpela manmeri bihain taim.

Dijisel wok wantaim NACS long Wol AIDS De

Veronica Hatutasi i raitim

BIKPELA mobail komyunikesen kampani, Dijisel, i wanpela long ol ogenaisesen we i wok patna nau wantaim NACS long putim kamap ol program long Wol AIDS de aste.

Insait long wanpela bung wantaim ol nius manmeri, NACS Dairekta, Wep Kanawi, i tok em i amamas olsem long dispela yia, Dijisel i kam insait long sapatim NACS bikos kampani i go aut long bikipela eria bilong kantri na tu, planti pipel, moa yet ol yangpela pipel we sik i ken kisim, i save yusim Dijisel mobail fon.

Aninit long wokbung namel long Dijisel na NACS, wanpela long ol samting we Dijisel netwok i mekim insait long 5-pela de bipo long Wol AIDS De em long karim ol mesej o stiatok long ol mobail fon tripela taim long wanpela de. Na taim ol pipel i laik sekim balens, ol i lukim dispela stia mesej i kamap na ritim na kisim save long en.

Mausmeri bilong Dijisel i tok Dijisel i go insait long wok patna

wantaim NACS long selebretim Wol AIDS De bikos kampani i laik helpim ol yangpela namel long 13-35 na 40 yia wantaim ol stia mesej em i wok long salim long netwok sistem bilong em.

Em i tok Dijisel i sanapim wanpela but o tebol long Wol AIDS De selebresen hap we pablik i raun na kisim moa infomesen bai givim ol save long sik AIDS, rot ol ken kisim, abrusim na sevis ol manmeri i ken kisim sapos ol i gat binatang bilong sik AIDS.

Long wankain taim, Dairekta bilong NACS, Wep Kanawi, i tok amamas long nesenele gavman i givim moa mani long NACS long baset o mani plen bilong neks yia long karimaut wok bilong em.

"Bikipela manimak long K20 milion em gavman i katim long 2011 nesenele baset long ol program na projek, K17 milion long baim ol drag o marasin na K7 milion long ranim operesen bilong Ogenaisesen. Pastaim mipela i save kisim mak olsem K2 milion long nesenele baset, tasol dispela i gutpela na i

min olsem gavamn i gat strongpela tingting long daunim sik AIDS long kantri," Mista Kanawi i tok.

Em i tok namel long K80 na K90 milion long dispela manimak i kam long ol dona patna taim narapela hap i kam long nesenele gavman.

Mista Kanawi i tok Wol AIDS De selebresen i bilong soim wanem samting kantri i wokim long stopim na daunim sik, stop na tingting long ol lain i dai pinis long dispela sik na tu, long kam putim han wantaim long pait agensim sik ya.

PNG i gat samting olsem 34,000 manmeri na pikinini i stap wantaim sik AIDS. Dispela e mol lain we Helt Dipatmen na NACS i gat ol rekot bilong ol ol i kisim tai mol i go long mama bel klinik, volunteri Kaunseling na Testing (VCT) na taim ol i kisim sik TB na ol i sekim blut bilong ol. Tasol, planti moa pipel long komyuniti i gat dispela sik na ol i no save. Olsem na i moabeta long ol manmeri i go long ol VCT senta long ol provins na kisim tes na ol i ken kisim helpim.



VOKESENEL TRENING EM BIKPELA SAMTING: Tupela tisa bilong Salvesin Ami sekondari skul em Mista Yopond na Mista Vovovong i sanap long bak-sait wantaim Prinsipal, Mary Kalit, na ol sumatin. *Poto: James Kila*

Salvesin Ami Sekonderi Skul strongim vokesenel trening

James Kila i raitim

OL MANMERE husat i laik mekim wok tisa long ol sekondari skul long Papua Niugini mas gat moa save long vokesenel skills trening. Dispela bai helpim ol gut long bihain taim.

Dispela em wanpela strongpela toktok prinsipal bilong Salvesin Ami Sekonderi Skul long Koki, Mary Kalit, insait long Nesenel Kapital Distrik i mekim long las wik Sarere.

Em i bin mekim dispela toktok long taim 26 sumatin bilong Salvesin Ami Sekondari skul i greduet long nupela skills trening ol i mekim. Greduesen i bin kamap long las wik Sarere long Disain na Teknologi Woksop Trening Program.

Dispela skills trening woksop em wanpela tisa long skul, Simon Yopond i go pas long kamapim wantaim gutpela sapot i kam long Salvesin Ami Sios Patnasip Program (CPP) wantaim K14,000.

Mista Yopond i tok tenkyu long Salvesin Ami CPP, Win Ali wantaim SA kodineta, Meja Deslea Maxwell long gutpela helpim ol i givim. Narapela bikpela tenkyu tu i go long asisten CPP program kodineta, Kinimiri George long givim sapot long dispela woksop.

Em i tok wantaim dispela sapot i kam long Salvesin Ami CPP, ol i baim ol nupela tuls na i givim sans na taim long ol sumatin long wokim ol samting olsem tebol, kabot, sia na narapela samting long praktikal skills klas we i bin kamap insait long 6-pela wiken. Dispela helpim bilong CPP i sapotim tu skul long kompyuta o IT na tu hom ikonoms.

Misis Kalit i tok olsem luksave bilong nupela edukesen sistem em long tising ol sumatin long laip skills long redim gut ol sumatin long bihain taim sapos ol i go bek long ples. Moa long en tu ol lain husat i kisim wok long opis tu i ken gat save long mekim wok long fiksime o stretim ol samting bilong ol long haus sapos ol samting i bagarap..

Misis Kalit i tok tenkyu long Mista Yopond long givim taim bilong em na tu ol sumatin husat i givim taim long mekim wok long woksop na lainim samting.

Wanpela sumatin long woksop, Gilbert John i tok amamas tu long Mista Yopond long skulim ol long skills o save long wokim ol samting wantaim timba na tu yusim ol tuls long wok bilong en stret. Em i amamas long lainim planti gutpela samting long woksop.

Ol tisa bai kisim Krismas holide pe long potnait

... i no wanpela bikpela pe wanpela taim tasol moa

Veronica Hatutasi i raitim

OL TISA long kantri bai kisim pe long taim bilong potnait taim ol i stap long skul Krismas malolo. Na ol bai ino nap long kisim "lump sum" peimen o olgeta pe long wanpela taim tasol olsem ol i save kisim long ol yia pastaim i kam inap nau.

Edukesen Sekreteri, Dokta Joseph Pagelio i tok Edukesen Dipatmen na Tising Sevisis Komisin (TSC) i wokim dispela disisen olsem stat long dispela krismas skul malolo, olgeta tisa long kantri husat i stap aninit long Nesenel Edukesen sistem bai kisim pe insait long 6-pela wik malolo taim bilong ol.

Dokta Pagelio i tok as tingting long wokim dispela disisen em long helpim ol tisa long i gat mani taim skul i stat bek gen long narapela yia na tu, gat mani long peim ol skul fi bilong ol pikinii bilong ol na ol narapela samting we ol na famili i laikim long sindaun bilong ol. Na i no wetim namba wan potnait pe bilong ol

tasol long inapim ol samting we ol i gat long en.

Dokta Pagelio i tok Edukesen Dipatmen na TSC i wokim dispela disisen bihainim wanpela MOU Agrimen we TSC na PNG Tisas Asosiesen long Novemba 2009.

"Dispela MOU i stap aninit long Klos o Hap namba 4.5 we i tok tai mol skul tisa i stap long Krismas liv o malolo pe bilong ol, ol i mas peim ol long potnait. Na i no long "lump sum", Dokta Pagelio i tok Em i mekim klia olsem.

Dokta Pagelio i ol dispela tisa husat i nogat beng akaun i mas opim wanpela nau wantaim wanem beng ol i laikim long en na givim ol infomesen i go long Peirol brens long Waigani na ol i ken senisim rot ol i save kisim pe long sek na putim i go long beng akaun bilong ol tasol stat long 2011 skul yia.

Dokta Pagelio i tok ol tisa bai stat long kisim malolo na liv pe bilong ol i stat long Disemba 13 taim 2010 skul yia i pas inap long Mande Janueri 31, 2011.

Skul long kantri bai op bek long Februeri 7

... Ol tisa mas pulumapim stat wok fom

Veronica Hatutasi i raitim

NEKS yia 2011 skul yia bai stat long Mande Februeri 7, Edukesen Sekreteri Dokta Joseph Pagelio i tokaut olsem.

Em i askim ol tisa long wok bek na stap long ol wan wan skul ol bai wok long en long Mande Janueri 31, 2011 na mekim ol wok redi bipo skul i stat long Mande Februeri 7.

Long wankain TAIM, Dokta Pagelio i tokim ol tisa long noken lusim tingting long pulumapim ol fom long toksave olsem ol i statim wok pinis long helpim

ol long kisim potnait pe long stat bilong nupela skul yia long 2011. Ol i kolim dispela fom long "Risamsen ov Duti Samari Sit (RoDSS). Ol i mas pulumapim dispela fom taim ol i stat wok tasol na salim i go long Peirol opis long Waigani bipo long Mas 17, 2011.

"Ol tisa husat i no pulumapim ol RoDSS fom em ol bai rausim ol long peirol bilong Mas 17, 2011na ol i no inap kisim potnait pe bilong ol stat long Mas 30, 2011 potnait pe taim.

Dokta Pagelio i askim ol tisa long stap long ol wan wan skul na statim skul yia long taim stret bilong em.

GLOBE

....the perfect choice



Kliarim toktok bilong Pop Benedict 16 long kondom

Veronica Hatutasi i raitim

HETMAN bilong Katolik Sios long wol, Pop Benedict 16, i laikim ol manmeri na moa yet ol dispela i gat sik AIDS, long senisim pasin, pas wantaim wanpela patna na noken slip nabaut long kisim amamamas tasol.

Jenerel Sekreteri bilong Konpres bilong ol Katolik Bisop long PNG na Solomon Ailan (CBC) Pater Victor Roche i tok.

Em i tok nius i bin kamap we midia long wol i tok Pop Benedict 16 i tok orait long ol lain i gat sik AIDS long yusim kondom o karamap, i no stret-pela tumas.

“Midia long wol i bin tanim krangi toktok bilong Pop Benedict 16 na long glasim nupela buk bilong em, ol i fokusim ol toktok na stori long kondom.

“Pop i laikim ol manmeri i gat AIDS long senisim pasin. Tasol sapos i nogat narapela wei o rot (extreme cases) ol i ken yusim bilong sevim laip bilong narapela. Long mekim klia, insait long marit na wanpela patna i gat AIDS taim patna bilong em i nogat, em ol i ken yusim kondom.

“Tasol Pop Benedict 16 i tok strong long senisim laip long ol bikhet na pasin i no stret-pela na

bihainim gutpela pasin, em rot long abrusim sik AIDS.

“Long keis bilong ol man maritim o poromanim man (MSM), i mas gat awenes long dispela bikos em i no stret-pela rot we i bagarapim rot God i mekim man na meri long poroman na marit wantaim. MSM i mas stop. Em i go agensim skul bilong sios na Kristeniti,” Pater Victor i tok.

Em i tok sik AIDS i bin stat wantaim ol “gay” lain o MSM na ol i mas senisim laip bilong ol. Tasol sapos i nogat narapela rot na long sevim laip bilong narapela, ol i ken yusim kondom,” Pater Victor i tok.

Nius i bin kamap taim nupela buk bilong Pop Benedict 16 i bin kamap na askim i kamap long kondom i tok i no gutpela long tambuim ol “high risk” pipel long noken yusim kondom. Na Pop Benedict i bekim olsem “Ating i gat as long sampela lain olsem man i wokim pasin pamuk i yusim kondom olsem namba wan step o rot long luksave long stret-pela pasin na bihainim. Na long rot bilong karimaut awenes olsem sampela samting em man i no inap mekim olgeta samting long laik bilong em. Tasol dispela i no rot long bihainim long daunim dispela “evil” o samting nogut long givim binatang bilong AIDS i go long narapela. Dispela em long manmeri i mas kon-

trolim ol yet.

“Bai gutpela moa sapos manmeri i gat sik AIDS i noken slip wantaim narapela. Na i moabeta long noken yusim kondom sapos manmeri i laik amamasim ol yet. Bikpela samting em long rispektim narapela, noken slip wantaim long kisim amamas tasol na senisim pasin long seks, tasol long keis we i nogat narapela rot (extreme cases), ol i ken,” Pater Victor i mekim klia toktok bilong Pop olsem.

Long wankain taim, Nesenel AIDS Kaunsel Sekreteriet (NACS) i amamas long harim dispela nius bilong Pop Benedict 16.

“Dispela em i bikpela gutpela nius na mipela i amamas long toktok em i mekim long ol man i prenim na maritim man (MSM) i ken yusim kondom o karamap long lukautim ol yet,” Dairekta bilong NACS, Wep Kanawi i tok.

Em i tok ol MSM i save mekim hait wok na ol i gat AIDS binatang i save sem long kamaut long ples klia na kisim marasin. Na planti i dai pinis.

Mista Kanawi i tok Katolik Sios i bikpela sapota bilong NACS long pait egensim sik AIDS. Bikpela wok Katolik Sios i mekim em long sait bilong Volantia, Kaunseling na Testing (VCT), wok awenes na lukautim ol AIDS sik manmeri.



Helpim tru i save kam long God wanpela tasol

OL MANMERI i pret long Bikpela na i harim tok bilong em, ol bai i kisim laip long wanem, ol i bilip, bikpela tasol inap helpim ol.

Ol manmeri i save stap aninit long Bikpela, ol bai ino inap guria long wanem, Bikpela bai givim ol gutpela samting long ol. Ol manmeri i prèt long Bikpela na i stap aninit long em, ol i ken amamas long wanem ol i save olsem Bikpela bai i sambai long ol. Ai bilong Bikpela i save was long ol manmeri i laikim em. Em i save lukautim ol gut na em i strongim ol. Em i haitim ol long taim bilong bikpela win na hatpela san. Em was long ol bai ol i ken wokabaut gut na ol i no ken pundaun, Em i save liptimapim ol na i mekim ai bilong ol i lait. Bikpela i save oraitim ol na i givim laip long ol, na em yet i save sambai long ol manmeri bilong em yet. Matyu 28:20 – Harim, mi save stap wantaim yupela olgeta de, i go inap long dispela taim i pinis.

1Pita 5:7 – God i save wari long yupela olsem na olgeta hevi yupela i karim, yupela i mas putim long han bilong em.

Jut 24 – God em inap long lukaut gut long yupela na bai yupela i no pundaun. Em i nap long bringim yupela i go i stap long gutpela ples bilong em, na bai yupela i nogat asua, na yupela i gat bikpela amamas tru.

Kade i gat nupela haus lotu

Pater Paul Liwun, SVD i raitim

OL KATOLIK manmeri bilong Baruni pipia dam eria ausait long Mosbi siti bai gat gutpela ples long lotu long en bihainim opening bilong nupela sios bilding long Kade komyuniti las wik Fonde Novemba 25.

Kade komuyuniti klostu long Baruni Dam insait long Hanuabada Peris em ples stret we planti manmeri i bung long wanpela lotu bilong blesim nupela haus lotu bilong ol. Pater Ben Flemming MSC, Vika Jenerel bilong Asdaiosis bilong Pot Mosbi i bin go pas long misa lotu long blesim dispela haus Lotu taim Pater Paul Liwun SVD, peris pris bilong Haunuabada i bin helpim em.

Ol manmeri i amamas, singsing na kalap kalap long welkamim na bringim Pater i go long nupela haus lotu. Prosesio i bin stat long olpela haus lotu na tupela yut grup i bin singsing na danis.

Bipo long go insait long haus lotu, Pater Ben i wokim prea na bihain em i katim riben emmak bilong opim nupela haus lotu na ol manmeri i go insait long haus lotu

na wokim lotu.

Long skul bilong em, Pater Ben i tokim manmeri olsem: “Nupela haus lotu i luk naispela tru na yumi manmeri tu i mas luk nais long pasin bilong yumi olgeta de. Sapos yumi save lukautim gut bodi bilong yumi, yumi tu i mas lukautim gut dispela haus lotu bikos insait long dispela haus lotu, yumi bai bung long harim Tok bilong God na kisim kain kain Sakramen. Olsem na lukautim gut dispela haus lotu bilong yumi”.

Bihain long givim skul, Pater Ben i wokim prea bilong blesim nupela haus Lotu na tromoi holi wara long haus lotu na manmeri wantaim.

Ol kongriksen bilong Sariti Sisters i bin go pas long fandim dispela nupela haus lotu wantaim helpim bilong sampela bikpela kampani insait long Papua Niugini. Mak bilong mani ol i bin yusim long wokim dispela Haus Lotu i olsem K40,000.00.

Bihain long lotu, ol manmeri i bin amamas na serim kaikai, wokim pilai drama, singsing na stori wantaim ol narapela bipo ol i bruk na go bek long ol wan wan hap bilong ol.



NUPELA HAUS LOTU: Komyuniti long Kade i wet long pater na ol sios memba i kam long wokim opening seremoni na misa lotu. Foto: Pater Paul Liwun SVD

Mis Cook Ailans em nupela Mis Saut Pasifik

BIHAIN long wanpela wik Mosbi na PNG i lukim 11-pela naispela yangpela meri bilong 11-pela ol liklik ailan kantri bilong Saut Pasifik we PNG i wanpela long ol, wanpela bilong ol i winim taitel bilong Mis Saut Pasifik Kwin.

Meri ya em Mis Cook Ailans, Joyana Meyer i gat 21 krismas.

Ol yangpela meri i gat long en Mis Samoa, Mis Aotearoa Nu Silan, Mis Fiji, Mis Hawaii, Mis Cook Ailans, Mis Tuvalu, Mis Niue, Mis Solomon Ailans, Mis Tonga, Mis Ameriken Samoa na Mis PNG i bin stap wanpela wik long Mosbi na go insait long ol wok resis bilong Mis Pasifik Kwin we ol dispela yangpela meri i bin kam long Mosbi na PNG long en.

Olsem hap long wokabaut bilong ol dispela kwin bilong 11 pela Pasifik Ailan kantri, olbin raun i go long Milen Be provins, raun i go long ol viles bilong ol aspels pipel bilong hia olsem Hanuabada na Vabukori na amamas lotu, singsing, kaikai na stori wantaim ol pipel. Ol bin raun i go long ol narapela institusen na ogenaesen long lukim na sea wantaim ol. Bihain long ol program ol i go insait olsem hap bilong testim ol long Mis Saut Pasifik Kwin resis, Fraide na Sarere nait em ol laspela tupela de we ol jas i glasim ol long ol wan wan kategori olsem putim klos bilong swim wantaim (swimwear), putim laplap (sarong wear), tumbuna klos, prensip, intanet, poto na save.

Faivpela i bin go long fainol na Mis Cook Ailans i win em long Mis Samoa em Jolivete Ete, Mis Aotearoa Nu Silan Angela Cudd, Mis Fiji em Serah Tikotikoivatu na Mis Hawaii em Pomaikai Klein.

Mis PNG Rachael Sapery James i no bin mekim i go long fainol wantaim narapela 5-pela bilong gat long em Mis Ameriken



NUPELA MIS SAUT PASIFIK: Mis Hawaiian Ailan, Pomaikai Klein i autim amamas long wina bilong Mis Saut Pasifik Kwin, Joyana Meyer. Poto: Nicky Bernard

Samoa em Cindy Silao, Mis Solomon Ailans em Fuatino Malasa, Mis Niue em Maria Mitimeteti, Mis Tokelau em Meleka Mativa na Mis Tonga em Mafi Tu'inukuafe. Sampela long ol i bin kisim ol spesel awod, tasol Mis PNG i no bin kisim wanpela.

Taim nupela Mis Saut Pasifik em Mis Cook Ailans Joyana Meyer i autim amamas na tok tenkyu long ol pipel bilong em na Bikman long winim Mis Saut Pasifik taitel 2010, em bin tok nau em

i hap bilong bikpela famili long Saut Pasifik. Na tok tu olsem bihain long em i malolo liklik long ples, em bai karimaut wok bilong em olsem Mis Saut Pasifik, tasol painim taim tu long wokim ol toi bilong ol pikinini., Mis Meyer husat i wanpela greduet long Mekatroniks Enjinia long Yuni-versiti bilong Oklen long Nu Silan i bin tok.

Ol kwin meri i bin go bek long ol wan wan ples bilong ol long las wik Sande moning.

Dame Carol na ol meri i kros

PASIM Palamen bung long 6-pela mun inap long mun Me neks yia i no go gut wantaim wanpela meri Palamen memba tasol na Komyuniti Dvelopmen Minista, Dame Carol Kidu.

Dispela em bikos Bil bilong putim 22 meri i go long Palamen we ol memba i sapos long vot long en long Novemba Palamen bung i stap yet. Long namba wan na tu wik bilong bung, ol Palamen memba i bin lukluk long 2011 nesel baset na ol narapela samting moa. Na long las wik Trinde we Minista Kidu na planti meri i bin kam long olgeta hap bilong PNG long sapotim dispela Bil taim ol memba i tromoim vot bilong ol, Spika Jeffrey Nape i bin pasim palamen sindaun inap long mun Me neks yia.

Dame Carol i kros na planti ol narapela meri lida long kantri i kros tu. Ol i tok ol meri i gat rait long sanap na go insait long Palamen na pasin ol man memba na praim minister i mekim long pasim Palamen bung long 6-pela mun i no gutpela. Moa yet, bikos ol meri i no inap long lukim Bil i kisim sapot na vot na nau, planti i no klia bai samting i go olsem wanem.

Bikos Dame Carol bai pinis long Palamen na i no inap sanap long resis long 2012, em i laik lukim Palamen i mas votim o tok oraitim Bil bilong putim 22 meri i go long Palamen bipo em i lusim Palamen haus na politiks.

Em i kros long ol man palamen memba bikos ol i no wokim samting stret long sapotim Bil bilong ol meri, tasol ol i tok yesa long palamen i mas pas long 6-pela mun inap mun Me neks yia.

Long wankain taim tu, sampela meri lida i bin autim kros na i no amamas bilong ol long Praim Minista Se Michael Somare.

Ol i tok praim minista i wok long soim sapot long Bil bilong ol meri na watpo em mekim narakain gen?

Ol meri i tok strong olsem ol bai lukim olsem Bil bilong ol i karim sampela gutpela kaikai yet.

Raun Lukim ol Meri na Pikinini:



MIS PNG SOIM LAPLAP RESIS: Rachael Sapery James long putim laplap resis. Em i poromanim tupela bilum long go wantaim laplap resis. Poto: Nicky Bernard



PLAWA KEN MEKIM MANI: Jenny wantaim ol plawa bilong em ausait long Fud Wol supamak, Godons insait long Nesanel Kapitela Distrik. Poto: Nicky Bernard.



NAISPELA TUMBUNA BILAS: Fuatino Malasa em Mis Solomon Ailan i soim naispela tumbuna klos na bilas bilong neiba pren bilong yumi, Solomon Ailans. Poto: Nicky Bernard



TOK PISIN NEWS
from Radio Australia
radioaustralia.net.au

Harim TOK PISIN long
Radio Australia
101.9FM
Port Moresby

Tok Pisin Service
6am - 7am 6080; 7240(KHZ)
7pm - 9pm 5995; 6020; 9710; 1280(KHZ)

Oposisen bilong Viktoria Stet Palamen winim ileksen

PREMIA bilong Viktoria, wanpela saut isten stet bilong Australia, John Brumby, i tokaut gavman bilong em i lus long stet ileksens long Sarere.

Stet Politik Niusman, Ryan Sheales, i ripot olsem, i kam inap sampela awa i go pinis, John Brumby i bin ting yet olsem, Australia Labor

Party i mas kism inap sia bilong kamapim wanpela palamen we i no tok orait, o tok nogat, na fosim wanpela nupela ileksen. Em i bin holim dispela tingting maski i bin gat wanpela bikpela swing agensim gavman long woken ileksen.

Em nau i tok klia olsem, gavman i no gat moa HOPE long winim moa s i a . Mista Brumby i bin kamap Premia

long 2007, taim Steve Bracks i bin lusim wok. Em i lusim gavman we em i no kism endosmen bilong ol pipel, o pipel i makim em long ileksen bilong kamap Premia.

Labor i bin lukautim Victorian Stet Gavman long 11 yia.

Koalisen lida, Ted Baillieu i bin go visitim Gavman haus.

Yangpela boi dai long bikpela ren long Fiji

WANPELA boi, krismas bilong em foa, i bin dai taim strongpela tait wara i bin karim em i go insait long wanpela baret, long taim bikpela ren em wanpela tropikal win birua i bin kamapim.

Mausman bilong polis i tokim Fiji Times olsem, boi hia i bin wok long pilai wantaim ol brata bilong em taim dispela birua i bin kamap long wiken.

Long wankain taim, dispela tropikal dipresen, o taim nogut i luk olsem em kamap olsem wanpela saiklon, i tru mitiarolojikal sevis tok, em i wok long muv i go longwe long Fiji.

Na i gat yet ol woning o tok lukaut bilong ol strongpela win long sampela hap bilong kantri.

Bai gat Royal Komisn long dai bilong ol maina long Pike Riva main

NU SILAN kabinet i pasim tingting pinis long kirapim wanpela royal komisn long glasim Pike Riva main birua.

Tupela ten nain main wokman i bin dai bihain long ol bikpela pairap long main klostu long ples Greymouth.

Jastis Graham Panckhurst bai siaman bilong Komisn na bai traim long mekim wok painim long wanem as tru i mekim ol dispela bikpela pairap na ol maina i bin dai olsem wanem tru.

Praim Minista John Key i tok, ol i save holim ol Royal Komisn bihainim ol samting i kamap we i pulim bikpela pablik intares, olsem dispela long Pike Riva Koul main birua.

Fiji wara kampani pasim wok bilong em long Fiji

BOTOL wara kampani, em Amerika i papa long en, "Fiji Water" i pasim ol wok bisnis bilong em long Fiji.

Niusman bilong Pasifik, Campbell Cooney, i ripot olsem 'Fiji Water' i wanpela long namba wan botol wara long wol, em ol i save lukim oltaim we ol politisen na muvi sta i save dringim.

Tasol long wanpela toksave, Presiden bilong dispela kampani long Amerika, John Cochran, i tok disisen bilong wik i go pinis em gavman ami i sapotim bilong apim ol takis bilong ol bikpela eksport bisnis bilong botol wara i min, em i no inap mekim wok moa na i pasim daun Fiji opis bilong em na pinisim ol manmeri long wok.

Mista Cochran i tok tu, olsem i tru kampani i laik wok wantaim interim gavman, em i tok, kantri i wok long i go het long i no stap sindaun gut, na nau, em i no gutpela ples bilong wok bisnis.

Ol i bin salim i go aut, o dipotim hetman bilong Fiji Water long Fiji, em David Roth bihain long ol i tok em i bin wok long suvim het tumas long ol nesanel afea.

Fes taim long FSM i stap long UN humen developmen ripot

LONG namba wan taim stret, Humen Developmen ripot bilong Yunaitet Nesens i bin putim i go Federated Stets ov Maikronesia long 2010 edisen o ripot bilong em.

Dispela Humen Developmen ripot i makim ol kantri long helt, edukesen na inkam, na i makim FSM i namba 103 namel long 169 kantri.

Dispela renking i aninit long rijenal averes, na UN i tok, ripot i soim i gat bikpela ol geps long gutpela sindaun na laip sans, em i go het long divaidim wol.

Residen mausman bilong UNDP bilong Pasifik, Knut Sotby i holim miting pinis wantaim foren minista bilong FSM.

Em i bin tokim Redio Australia olsem, kantri i gat sampela eria bilong strongim wok.



Askim long ol Proposal bilong kism mani halivim aninit long Piseris Projek Developmen Fan 2011

Nesanel Piseris Atoriti i askim olgeta atisenal o liklik pisamanmeri, ol pis fama na ol koporetiv sosaiti husat i wok mekim piseris developmen wok long givim ol Projek Developmen Fan (PDF) proposal bilong 2011 halivim mani. I gat tupela rot bilong kism ol PDF mani i stap;

Kategori Namba Wan

Dispela mani i kam long Multilateral Piseris Tiriti namel long ol Pasifik Ailan kantri na Yunaitet Stets bilong Amerika long kism ol US pes sain flek sip i go insait long ol Eksklusiv Ekonomik Zon bilong ol Pasifik Ailan kantri. Ol dispela mani i go long wan wan ol Pasifik Allan Kantri na Forum Piseris Ejensi (FFA) long Honiara, Solomon Ailans.

A. Komyuniti Piseris Program Sapot

Komyuniti Piseris Program, em bilong halivim ol bikpela komyuniti, we bai wok i no bilong kism pe o winmani long en.

Husat i ken aplai:

- Ol Komyuniti bes piseris asosiesen o koporetiv

Mani bilong:

- Baim ol kapitel ikwipmen olsem pising gia, ais bokis na ol maketing wok samting olsem opis ikwipmen, ol samting bilong mekim pis pon, na ol arapela wankain.

Bikpela mak bilong wan wan projek:

- Ten Tausen Kina (K10,000)

Olgeta projek bilong kism luksave na glasim:

- Tenpela (10) projek tasol bai kism luksave, Kategori Namba Tu

Namba tu rot bilong kism mani long Projek Developmen Fan (PDF) i kam long baset bilong NFA yet long halivim ol komyuniti pising projek aninit long piseris developmen sapot program.

B. Smol i go Midium Skel Enteprais Sapot

Mani bilong ol Smol i go Midium Skel Enteprais o wok bisnis husat bai kism sapot na givim wanpela liklik hap i go long SME insait long piseris sekta, moa yet bilong baim ol kapitel samting we bai strongim wok bilong bisnis.

Husat i ken aplai?

- ol smol i go midium kampani we 100% onasip i stap wantaim ol asplis manmeri.
- SME we i wok insait long piseris sekta insait long las tripela yia
- SME wantaim 50% ekwiti kontribusen i go long samting ol i laik baim

Mani bilong:

- Baim kapitel ikwipmen o masin samting bilong strongim wokmak bilong bisnis

Bikpela manimak long wan wan projek:

- Twenti tausen kina (K20,000)

Olgeta projek bilong kism luksave na glasim:

- Tenpela (10) projek bai kism luksave.

Ol Jeneral Kondisen:

- Olgeta kapitel samting bai mas gat wanpela inoivis i kam long saplaia.
- I mas gat evidens bilong ekwiti kontribusen long sait bilong SME Sapot.
- Komitmen na strong bilong givim ol ripot bilong wok na pinis bilong wok long projek we mani halivim i go long en.
- Ol apliken i winim luksave i gat 28 de we bai ol i kism tok orait bilong mani, na ol i mas yusim.
- Peimen bilong ol samting em PDF Staring Komiti bai salim i go stret long saplaia.
- Mani em i no bilong ol operesenal kos, bekim dinau o givim dinau.
- Olgeta aplikesen husat i no winim luksave bai go bek long ol apliken.
- Apropiet Aplikesen bilong proposal em i Project Identification Document (PID), Project Formulation Document Form (PFD). Sekim Provinsal Piseris Opis o NFA bilong kism olgeta dispela pepa.

Long mekim mani i stap ples klia moa long ol piseris projek i ken kism, wanpela PDF Staring Komiti i kamap pinis long menesim PDF bilong Papua Niugini. Komiti bai lukim ol mani em ol i yusim bihainim klia pasin na inap long glasim bihainim mani ol i yusim.

"PDF" i mas stap ples klia antap long olgeta proposal na i mas go stret long PDF Steering Committee, C/- National Fisheries Authority PO Box 2016, PORT MORESBY, National Capital District.

Olgeta proposal na askim long PDF i mas go long **Mis Welete Wararu**, Eksekutiv Menesa, Provinsal Sapot na Industri Developmen o yu ken ringim em long telepon namba: 309 0444 o 309 0843.

Olgeta sabmisin i mas kam pastaim long 30 Desemba, 2010.

Tok Orait i kam long:

SYLVESTER B. POKAJAM
Menesing Dairekta



Gavman taitim ol memba wantaim bikpela pei

WANPELA bikpela gris tru long holim pasim ol palamen memba, em long nupela potnait pei bilong ol we Gavman i apim go antap tru insait long 2011 nesanel baset.

Mak bilong pei go antap em long 52 pesen (%). Em i olsem ol wanwan memba bai kisim mani mak olsem K80,000 long wan yia.

Brukim kam daun long potnait, em olsem 26 potnait insait long wanpela yia em wanwan memba bai kisim K3,000 long potnait pei. Ol Palamen Komiti na ol Gavana na ol Minista bai kisim samting olsem K100,000 go antap long K150,000 em olsem K5,000 na K6,000 long fotnait.

Praim Minista wantaim Spika na Oposisen lida em antap moa klostu K10, 000 potnait.

Palamen i no bin givim wanpela gutpela as tru long ol i apim potnait pei bilong ol yet olsem na yumi ting olsem ol laik amamasim ol



yet na holim ol memba long stap wantaim Gavman go inap long 2012.

Yumi no save bai Gavman i ting long apim pei bilong ol pablik sevens olsem ol tisa, ol nes na haus sik woklain, ol pablik sevens long ol gavman opis o nogat?

Yumi harim na ritim pinis singaut i kam long ol pablik sevens long distrik na ol turangu wod kaunsela insait long ol ples na distrik. Ol save kisim tasol K50 long wanpela mun. Oloman, K50 em bilong baim wanem samting? Em poket mani bilong wanpela haus boi long go baim kaikai long maket o?

Moabeta Fainens na Tresseri Minista Peter O'Niell mas tokaut klia tru long wanem as na ol apim pei na

bai ol apim pei bilong ol wod kaunsela na ol arapela pablik sevens tu o nogat?

Apim pei olsem i soim olsem kantri i gat planti mani nau olsem na em mas skelim gut long olgeta woklain bilong kantri. Ol tu mas kisim gut pei bai ol i amamas na mekim gut wok bilong ol na sevim pipel we Gavman bai oltaim kisim biknem long en.

Ol 89 memba bilong palamen tu bai kisim K2 milien long 2011 long mekim wok long distrik bilong ol.

Dispela i mekim Oposisen i tok em trep na gris bilong Gavman long holim pasim na grisim ol memba i stap pas wantaim Nesanel Alaiens (NA) Gavman inap long 2012 nesanel ileksen.

I tru olsem i gat kinkain wei na pasin bilong holim pasim ol memba long stap strong wantaim gavman na em wanpela rot bilong en. Namba wan taim ol memba i kisim K2 milien long distrik bilong ol wanwan we pas-

taim ol save kisim tasol K1 milien. Em bikpela mani tru na inap strongim ol memba long mekim kamap planti wok bilong stretim ples na distrik bilong ol. Dispela tu inap strongim politiks bilong ol long winim gen 2012 nesanel ileksen.

Wanpela samting nau em yumi lukim, bai husat lain tru bai kisim dispela K2 milien bilong ol hariap. Pasin bilong gavman em ol gavman lain bilong ol yet save kisim kain mani olsem hariap long ol lain bilong Oposisen. Ol save mekim bikpela birua long ol Oposisen lain we ol no save kisim mani hariap long mekim wok bilong ol long distrik.

Em pasin politiks bilong yumi long daunim na traim rausim narapela long taim bilong nesanel ileksen. Gavman bai yusim kinkain rot na pawa em gat long daunim Oposisen lain long noken winim sans long ileksen.

WANTOK KOMENTRI

Ol memba kisim moa pe long wanem?

LONG pinis bilong las sindaun bilong palamen las wik, ol memba bilong palamen i bin vot ol yet olsem ol i mas apim potnait pe bilong ol.

Ating wok bilong memba i mas wanpela bikpela wok tru, laka?

I tru olsem em i wanpela bikpela wok, bikos memba i makim ol pipel bilong yumi long ples. Tasol watpo bai ol i ken kisim moa pe long potnait bilong ol, na ol liklik manmeri husat i save tuhat long mekim wok i no lukim senis.

Gutpela taim, na planti kain gutpela tingting i wok kamap long dispela bikpela LNG ges projek bilong kantri.

Ol lidaman bilong yumi long gavman i tok olsem em bai givim bikpela mani tru long kantri.

Yes ya. Bikpela mani tru bai kam long kantri.

Tasol projek i no sanap yet, na wok i no kamap yet long bungim ol dispela winmani. Olsem na watpo bai yumi stat long apim pe bilong ol lida bilong yumi.

Sapos i gat gutpela as, we pipel i ken lukim olsem ol memba bilong ol i makim ol tru tru na stretim sindaun bilong ol long ples, orait, dispela memba i ken kisim moa pe.

Watpo bai em i kisim moa pe, sapos em i save stap tasol long Mosbi na silip long ol hotel.

Tru tumas, yumi no nupela long ol lida i save ronawe lusim ples na kam silip, spak, na pamuk raun long ol hotel, geshaus na lods long Mosbi.

Dispela wik, wanpela lokol kaunsela i bekim dispela wantaim askim, sapos gavman i ken apim tu pe bilong ol lokol kaunsel long ples.

Askim bilong em i no abrus.

Sapos memba i kisim moa pe, olgeta lain long gavman i mas kisim moa pe, na gavman i mas stretim rot tu bai olgeta arapela wokmanmeri long kantri i kisim moa pe wantaim ol.

Mani mak we i wok long paulim tingting bilong yumi tude, nau i wok long slekim tru mining bilong wok memba.

Taim man o meri i kamap memba long vot bilong ol pipel long ilektoret bilong em, em i noken ting dispela em i sans bilong em long kisim mani. Nogat.

Aninit long pasin demokrasi, dispela man i winim bilip bilong pipel, em i wokman bilong pipel.

Planti long ol lida bilong yumi tude, i lus tingting long dispela pinis.

Bai mobeta sapos yumi ol lain pipel yet i mas givim tok orait long memba i kisim moa pe.

Em nau, bai yumi lukim tru olsem ol memba bai daunim ol yet, na mekim wok.

WANTOK

Published Weekly, Thursday, for Word Publishing Company, Ltd.
P.O. Box 1982, Boroko, NCD
Papua New Guinea

Telephone: (675) 325 2500
Fax: (675) 325 2579

Email: editorial@wantok.com.pg

Pe bilong wanpela yia
52 niuspepa

Ples:	Air:
PNG	K220.00
AUSTRALIA	US\$110.00
ASIA PACIFIC na JAPAN	US\$150.00
AMERICA na EUROPE	US\$210.00

General Manager
Elizabeth Konga

Editor
Neville Choi

Published at
Section 58, Allotment 3
Office 2, Waigani Drive.

Word Publishing Company Limited is owned by the four major churches of Papua New Guinea - Catholic 50%, Lutheran 25%, Anglican 10%, United Church 10%. The company reserves the right to accept or reject any advertisement or other material submitted for publication which it deems contrary to the public interest at its absolute discretion. The publisher's general terms acceptance are available at Word Publishing Company Ltd and are set out full on the display advertising form.



Program bilong Wanwan De

Mande - Fraide

6am - 10am - Sankamap show - Host: KAS.T
 6:15am - Komuniti Notis Bod
 6:30am - Nius Hetlains / Bondei grittings
 Trukai Rais - GES FAIA KOMPETISEN
 6:45am - Niuspepa Hetlains
 7:00am - Major Nius Bulletin - YUMIFM Nius Senta
 7:15am - Toktok sapolim LO na JASTIS Sekta
 7:30am - Trukai Rais - GES FAIA KOMPETISEN
 8:00am - Major Nius Bulletin - YUMIFM Nius Senta
 8:15am - Stori b'long Skelim Tingting
 8:30am - Trukai Rais - GES FAIA KOMPETISEN
 9:00am - Nius Bulletin - YUMIFM Nius Senta
 9:15am - Luksave long Komuniti (Redio Pilai)
 9:30am - Trukai Rais - GES FAIA KOMPETISEN

9:45am - YUMI PAINIM WOK Segment
 10:00am - Nius - YUMIFM Nius Senta
 10am - 2pm - Monin Trek na Belo Pack - Host: VAVIESSIE
 10:10am - Lukatim yu yet - Helt toktok - RH Hyper Mart
 10:45am - YUMI PAINIM WOK Segment
 11:00am - Nius - YUMIFM Nius Senta
 11:10am - Cont'd - Lukauti yu yet - Helt toktok
 11:30am - Nius Hetlains b'long Belo Taim
 12:00pm - Major Nius Bulletin - YUMIFM Nius Senta
 12:10pm - BELO Taim - wantaim sapot b'long TELIKOM
 12:15pm - Komuniti Notis Bod
 12:20pm - BELO Taim - wantaim sapot b'long TELIKOM
 1:00pm - Nius - YUMIFM Nius Senta
 1:10pm - BELO Taim - wantaim sapot b'long TELIKOM
 2:00pm - Major Nius Bulletin - YUMIFM Nius Senta
 2pm - 6pm - Avinun Draiv Taim - Host: Enjo Dabix
 2:00pm - 4:00pm (Tunde / Fonde) TOKAUT TOKSTRET
 2:45pm - YUMI PAINIM WOK Segment
 3:00pm - Nius - YUMIFM Nius Senta

3:10pm - Avinun cruz
 4:00pm - Nius - YUMIFM Senta
 4:10pm - "FOAPELA KAM GUD LONG 4"
 4:30pm - Nius Hetlains
 4:45pm - YUMI PANIM WOK Segment
 5:00pm - MAJOR NIUS BULLETIN - YUMIFM Nius Senta
 5:10pm - 6:00pm - FLAME KULCHA (1 hr) listeners request
 6:00pm - MAJOR NIUS BULLETIN - YUMIFM Nius Senta
 6 - 7pm - Maggi noodles request aua
 6pm - 00am - NAIT BEAT - Host: ANGRA KENNEDY
 6:10pm - 7:00pm Mun kamap sho
 6:45pm - Komuniti Notis Bod
 7:00pm - COCA COLA GARAMUT
 9:00pm - 00am - Nait Beat - Isi Cruz long nait
 00am - 6am - BRUKIM TULAIT SHOW - Host: Papa Raegs / Sally / Nenge
 00:00 - Early Monin Taim Cruz (ol lain brukim tulait shift)
 - Miusik / Request / Tok pilai
 - Kipim Kampani long ol nait shift.

Weekend Shift - Saturday & Sunday
 6:00am - 11:00am - Wiken Sanrais
 6:30am - Komuniti Notis Bod - Bondei grittings
 7am - 9am - Wiken Spots
 9am - 11am - Monin Raun
 11am - 1pm - National Weekly Hit Parade (Host Kas.T)
 2pm - 6pm - Sarere Avinun Draiv
 6pm - 00am - Nait Beat (Host Angra Kennedy)

YUMIFM POROMAN TEAM:
 Turner (KAS.T) Arifeae - Team Leader / Program Director
 Angra KENNEDY - Senior Announcer
 Sinimil (Vaviessie) Philipo - Promotions Co ordinator
 Papa Raegs - Announcer Nenge Neings - Announcer
 Enjo Dabix - Announcer Selestine Sally Sino - Announcer

RADIO AUSTRALIA TOK PISIN PROGRAM HARIM LONG: 101.9 FM

6AM Stesen Op - Nius Hetlain - Musik na ol intaviu
 6.30AM Nius na Karent Afes
 7AM Stesen Pas
 7PM Stesen Op
 7.01PM Ol Hetlain na Program Priviu
 7.15PM Spots
 7.30PM Nius na Karen Afecas
 8PM Helt
 8.15PM Musik
 8.30PM NIUS
 8.40PM Spots Riplei
 8.55PM Musik
 9PM Stesen Pas

TUNDE - Moring - Nait
 6AM Stesen Op - Nius Hetlain - Musik na ol intaviu
 6.30AM Nius na Karent Afes
 7AM Stesen Pas
 7PM Stesen Op
 7.01PM Ol Hetlain na Program Priviu
 7.15PM Musik na Chit-Chat
 7.30PM Nius na Karen Afecas
 8PM Mama Graun
 8.15PM Musik/Spots
 8.30PM NIUS
 8.40PM Helt Riplei
 8.55PM Musik
 9PM Stesen Pas

TRINDE - Moring - Nait
 6AM Stesen Op - Nius Hetlain - Musik na ol intaviu
 6.30AM Nius na Karent Afes
 7AM Stesen Pas
 7PM Stesen Op
 7.01PM Ol Hetlain na Program Priviu
 7.15PM Musik na Chit-Chat
 7.30PM Nius na Karen Afecas
 8PM Focus
 8.15PM Musik/Spots
 8.30PM NIUS
 8.40PM Mama Graun Riplei
 8.55PM Musik
 9PM Stesen Pas

FONDE - Moring - Nait
 6AM Stesen Op - Nius Hetlain - Musik na ol intaviu
 6.30AM Nius na Karent Afes
 7AM Stesen Pas
 7PM Stesen Op
 7.01PM Ol Hetlain na Program Priviu
 7.15PM Musik na Chit-Chat
 7.30PM Nius na Karen Afecas
 8PM Youth
 8.15PM Musik/Spots
 8.30PM NIUS
 8.40PM Focus Riplei
 8.55PM Musik
 9PM Stesen Pas

FRAIDE - Moring - Nait
 6AM Stesen Op - Nius Hetlain - Musik na ol intaviu
 6.30AM Nius na Karent Afes
 7AM Stesen Pas
 7PM Stesen Op
 7.01PM Ol Hetlain na Program Priviu
 7.15PM Musik na Chit-Chat
 7.30PM Nius na Karen Afecas
 8PM Wantok
 8.15PM Musik
 8.30PM NIUS
 8.40PM Youth Riplei
 8.55PM Musik
 9PM Stesen Pas

SARERE - Nait
 7PM Stesen op - Ol Nius Hetlain/Program Priviu
 7.05PM Musik na Chit Chat
 7.30PM Nius
 7.40PM Wantok
 8PM Lokal Ben
 8.30PM Nius
 8.40PM Musik/Chit Chat
 9PM Stesen Pas

SANDE - Nait
 7PM Stesen op - Ol Nius Hetlain/Program Priviu
 7.05PM Musik na Chit Chat
 7.30PM Nius
 7.40PM Femili Blong Serah (Redio Plei)
 8PM Lukluk Bek Long Wik
 8.30PM Nius
 8.40PM Musik/Chit Chat
 9PM Stesen Pas

Raun wantaim Wantok kru ...

PNG XOX Idol Fainol Gold Klab Lamana

BIKPELA pati ples long Pot Mosbi, Gold Klab Lamana bai mekim tupela bikpela samting long dispela wiken.

Long Fraide ol bai holim Mis Saut Pasifk talent so, dispela em bai soim ol 11 pela yangpela meri husat i win long wanwan kantri bilong ol insait long Saut Pasifk.

Gold klab erina na balkani bai pas long 6 kilok i go inap 9 kilok, bihain long 9 kilok ol lain bilong pati i go insait na kilim skin long danis.

Sarere nait em bai bikpela nait tru long wanem PNG XOX Idol fainol bai kamap, insait long 40 pela manmeri husat i resis long 7pela wik go pinis, i gat 10pela tasol i stap long fainol dispela wiken.

Sapos yu nogat wok long dispela Sarere nait na tu yu husat i save bihain ol dispela Idol, kam daun long Gold Klab Lamana na lukim ol dispela 10pela yangpela manmeri husat bai traim nek bilong ol.

Ol fainol manmeri em, Li Walter, Chaddy Ipah, Natalia Maino, Hendry Gewang, Richard Wema, Samantha Clark, Nouna Regione, Emma Kamura, Gideon Singur na Matthew Jordan.

Kam lukim na harim nek bilong ol na lukim husat dispela yangpela manmeri bai winim dispela bikpela prais mani long K10,000 long ples bilong pati strong Lamana Gold Klab.



Nau FM lukim 16 Yia

Nicky Bernard i raitim

NAU FM kam 16pela krismas bilong dispela yia, long amamasim bonde bilong ol, ol i mekim wanpela wan nait so bilong ol long Pot Mosbi tasol.

Dispela so o pati bilong ol i bin kamap long Sarere wik i go pinis long bikpela klab long Pot Mosbi ol kolim long Pot Mosbi Kantri Klab

(POMCC).

Ol manmeri husat save bihainim dispela redio stesen bin go kamap long hap, dispela nait klab i bin pulap long ol yangpela manmeri long wanem dispela redio stesen em save pulim ol yangpela tasol.

Sampela ol biknem ben na grup i bin go na pilai long amamasim dispela bonde nait, kain lain olsem AK 47, Jokema, Singing Tribe

na sampela moa.

Nau FM i bin bon long 1990, em bin statim wok brotkas bilong em long kantri i kam long dispela yia we i lukim em i tanim 16 pela krismas, na tu i pulim planti ol yangpela long harim dispela redio stesen.

Nau yet, NAUFM i wok long go strong na strong moa yet, long wanem planti ol yangpela save salim ol pas na laikim ol singsing we

dispela redio stesen save pilaim.

Dispela nait i bin kamap gut wantaim gutpela helpim bilong Pot Mosbi Kantri Klab, Next of Kin Production, Total Event kampani na sista stesen bilong Nau FM, tokpisin stesen Yumi FM.

Dispela tupela redio stesen i kam aninit long mama kampani PNG FM we ol tu i lukautim Total Event kampani.

EMTV Television Guide

FONDE, NOVEMBA 25 2010		FRAIDE, NOVEMBA 26 2010		SARERE, NOVEMBA 27 2010		SANDE, NOVEMBA 28 2010		MANDE, NOVEMBA 29 2010	
4.59AM	STATION OPEN	7.30PM	G RAIT MUSIK	5.00PM	G HOT SOURCE	9.29AM	STATION OPEN	6.30AM	G IT IS WRITTEN:
5.00AM	G JOYCE MEYER	8.30PM	PG ELITE MUSIC ZONE	5.29PM	G EMTV NEWS UPDATE	9.30AM	TEST CRICKET:	7.00AM	G HILLSONG
	Religious program	9.00PM	G DIGICEL STARS	5.55PM	CRIME STOPPERS		AUSTRALIA v ENGLAND	7.30AM	AUSTRALIA NETWORK
5.30AM	G TODAY	10.00PM	PG BROTHERS & SISTERS	6.00PM	G NATIONAL EMTV NEWS		Hobart, Tasmania.	11.59PM	STATION RE-OPEN
9.00AM	EMTV PRIME TIME LINEUP	10.30PM	NATIONAL EMTV NEWS REPLAY	6.30PM	G A CURRENT AFFAIR	12.00PM	G THE RACING YEARS	12.00PM	G WIDE WORLD OF SPORTS
9.30AM	TEST CRICKET:	11.00PM	AUSTRALIA NETWORK	7.00PM	G IN MORESBY TONIGHT	12.30PM	G AUSTRALIA v ENGLAND	5.30PM	G TWENTY/20 ALL STARS
	AUSTRALIA v ENGLAND			7.27PM	EMTV TOK SAVE	...	continue...	6.00PM	G NATIONAL EMTV NEWS
	Hobart, Tasmania.			7.30PM	PG THE BLOCK	5.00PM	PG THE RACING YEARS	6.30PM	G DIGICEL STARS
12.00PM	G THE RACING YEARS	4.59AM	STATION OPEN	8.30PM	PG SECRET MILLIONAIRE	5.30PM	G MXTV	7.30PM	G TWENTY/20 ALL STARS
12.30PM	G AUSTRALIA v ENGLAND	5.00AM	G JOYCE MEYER:		Queensland mining magnate Peter Bond undergoes a reality check about the importance of family and support when he goes undercover to work with some of Australia's poorest and most disadvantaged people.	6.00PM	G NATIONAL EMTV NEWS	...	continue...
.....	continue....		Enjoying Every Day Life	9.30PM	PG RPA	6.30PM	G FOUR NATIONS(Live)	9.30PM	M SUNDAY NIGHT MOVIE:
4.57PM	G EMTV TOK SAVE	5.30AM	TODAY	10.30PM	PG POTRAITS OF A NATION	8.27PM	EMTV TOK SAVE	10.30PM	G HILLSONG
5.00PM	G HOT SOURCE	9.00AM	EMTV PRIME TIME LINEUP	11.00PM	G NATIONAL EMTV NEWS REPLAY	8.30PM	G MORESBY TONIGHT	11.00PM	G NATIONAL EMTV NEWS REPLAY
5.29PM	G EMTV NEWS UPDATE	9.30AM	TEST CRICKET:			9.00PM	PG WWE AFTERBURN		
5.30PM	G WHO WANTS TO BE A MILLIONAIRE - HOT SEAT		AUSTRALIA v ENGLAND			10.00PM	PG THE KING OF QUEENS		
6.00PM	G NATIONAL EMTV NEWS		Hobart, Tasmania.			11.30PM	G NATIONAL EMTV NEWS REPLAY	11.30PM	Australia Network
6.30PM	G A CURRENT AFFAIR	12.00PM	G THE RACING YEARS	11.20PM	AUSTRALIA NETWORK				
7.00PM	G SPORTS SCENE	12.30PM	G AUSTRALIA v ENGLAND						
7.27PM	G EMTV TOK SAVE	continue....						
		4.57PM	G EMTV TOK SAVE						

TORO



BIABIA



KANAGE



TOKWIN

Wokim haus long Boina Tuna maket
 Nupela Boina Tuna maket long 8-mail autsait long Mosbi i no gat haus long pasim san na ren na tu tebol long ol manmeri salim buai gut. Ol i sindaun long graun tasol long salim buai. Em krismas nau na sapos bikpela ren i kam turangu ol lain bai hait we?. Nogut ol buai na daka tu i

doti long graun malumalu. NCD Gavana mas wokim samting stret!
Kongkong pulap long Oro Be
 Ol Esian lain i pulap tru long Oro Be na go insait long timba bisnis wantaim ol lain bilong ples. Ol Esian long Oro i yusim ol seken hen kar i bruk daun planti na raun raun long hap i stap. Inap Foren Afes na Imaigresin lain i go sekim

gut wok bilong ol lain ya.
Air Niugini ofis pulap stret
 Klostu taim bilong krismas holide na ol sels ofis bilong Air Niugini i pulap tru long ol manmeri husat i go long baim tiket long flai long balus. Longpela lain tru i mekim sampela lain husat i sanap long lain i laik pundaun stret.

Tokwin Tasol...

T	R	Y	S	T	O	R	I	T	U	M	B	U	N	A	L	A
S	U	T	P	T	I	T	B	I	L	O	N	G	P	I	K	R
R	I	M	I	N	G	L	O	S	T	U	I	P	O	I	N	A
S	E	R	A	B	G	H	I	A	D	R	M	A	S	K	I	N
G	P	O	Y	R	E	N	A	T	H	O	L	A	N	I	M	A
N	A	S	E	D	A	M	I	L	E	S	H	O	S	T	I	B
A	L	O	U	D	I	G	R	O	M	G	I	V	I	M	A	R
B	L	O	P	A	K	N	I	K	S	O	N	E	N	B	A	S
M	E	K	I	M	O	G	L	E	T	H	E	A	R	T	U	S
A	A	L	O	N	I	R	E	E	R	V	D	O	T	A	N	I
K	P	L	A	K	O	A	K	A	T	I	M	V	O	P	R	E
I	U	R	O	V	U	S	I	M	G	N	I	S	G	N	I	S
P	E	N	I	M	S	K	I	N	G	I	L	O	P	O	S	I
N	U	I	D	A	R	U	S	E	L	K	A	M	B	A	N	G
A	S	G	R	U	R	M	B	A	T	I	R	A	M	P	I	L
I	O	G	O	L	O	U	N	G	L	I	P	S	E	R	C	A
S	A	L	I	B	I	L	E	V	K	A	N	G	A	L	E	A

SAMSAM		LIP TANGET	
KANGAL	PENIM SKIN	GRAS SKET	BILAS
KAMBANG	MALO	LIP MARITA	STORI TUMBUNA
TTT BILONG PIX	GRAS KUMUL	SKIN KAPUL	SEL KAMBANG

Last week's puzzle solution:

8	7			1	6		
	6				1	2	
2	1			4	7		5
9		2	1	4	7		
			2		6		
			3	9	5	4	2
3		5	9				7
	2						5
		7	4				8
							1

4	1	9	8	7	5	3	6	2
6	5	8	2	3	9	7	4	1
2	7	3	6	4	1	5	8	9
1	3	4	7	9	6	8	2	5
9	6	5	1	8	2	4	3	7
8	2	7	3	5	4	1	9	6
3	8	2	9	1	7	6	5	4
5	9	1	4	6	3	2	7	8
7	4	6	5	2	8	9	1	3

Ansa bilong las wik Sudoku

D	O	K	T	A				K	U	S		
										S	I	N
			D	R	I	P			N			M
								E				A
N					S					R	R	
I	E	K	S	R	E	I				I	A	
D				R			H	A			S	
E					E				E		I	
L			P							L	N	
											T	
A	U	T	P	E	S	E	N				B	
												U
T												K
I	M	A	M	A	K	A	R	I	M			
E								S			N	

Ansa bilong las wik Pasol

EMTV Television Guide

9.00AM	CLASSROOM BROADCAST	7.30PM	PG SURVIVOR: NICARAGUA (NEW SERIES) - The 21st season of the groundbreaking reality series begins in Nicaragua with 20 castaways being divided into tribes according to their ages. The Espada tribe is made up of people over age 40, while the La Flor tribe consists of people ages 30. (2-HOUR SERIES PREMIERE)	10.10am	- Grade 7 Science	11.00PM	G EMTV NEWS REPLAY	4.57PM	G EMTV TOK SAVE
9.20am	- Grade 7 Mathematics	9.30PM	M SEA PATROL	11.00am	- Grade 8 Mathematics	11.30PM	AUSTRALIA NETWORK	5.29PM	G EMTV NEWS UPDATE
10.10am	- Grade 7 Science	10.30PM	PG PORTRAITS OF A NATION	11.50am	- Grade 8 Science			5.30PM	G WHO WANTS TO BE A MILLIONAIRE - HOT SEAT
11.00am	- Grade 8 Mathematics	11.00PM	G NATIONAL EMTV NEWS REPLAY	12.40pm	- Grade 6 Mathematics				G CRIME STOPPERS
11.50am	- Grade 8 Science	11.30PM	Australia Network	1.30pm	- Grade 6 Science				G NATIONAL EMTV NEWS
12.40pm	- Grade 6 Mathematics			2.30PM	- DEPI Training				G A CURRENT AFFAIR
1.30pm	- Grade 6 Science			3.00PM	G MAGICAL TALES				M 24 (Final)
2.30PM	- DEPI Training			3.30PM	G HI-5				G EMTV TOK SAVE
				4.00PM	G THE PYRAMID				M WEDNESDAY NIGHT
3.00PM	G MAGICAL TALES			4.30PM	G THE SHAK				
3.30PM	G HI-5			4.57PM	G EMTV TOK SAVE				
4.00PM	G THE PYRAMID			5.29PM	G EMTV NEWS UPDATE				
4.30PM	G THE SHAK			5.30PM	G WHO WANTS TO BE A MILLIONAIRE - HOT SEAT				
4.57PM	G EMTV TOK SAVE			6.00PM	G NATIONAL EMTV NEWS				
5.29PM	G EMTV NEWS UPDATE			6.30PM	G A CURRENT AFFAIR				
5.30PM	G WHO WANTS TO BE A MILLIONAIRE - HOT SEAT			8.00PM	M ARMY WIVES (NEW SERIES)				
				9.00PM	PG RAISING THE BAR (NEW SERIES)				
5.55PM	CRIME STOPPERS			10.00PM	M GREY'S ANATOMY				
6.00PM	G NATIONAL EMTV NEWS								
6.30PM	G A CURRENT AFFAIR								
7.00PM	G TOK PIKSA								
7.27PM	EMTV TOK SAVE								

Ol Progam na Taim i ken senis...

Kristen loya helpim long we komyuniti bilong Erave

.....gavman nogat luksave long Mt Tawa

JAMES KILA i raitim

WANPELA liklik grup manmeri bilong Maunt Tawa long Erave lokal level gavman (LLG) kaunsil i paul olgeta long tok-tok. Ol i guria stret taim strongpela Luteran man na loya, Kelly Naru i putim han isi tasol long siot poket na pulim K5,000 sek mani na givim i go long ol long las wik Sande long Taurama Leisa Senta (TLC) long Mosbi.

Turangu ol dispela lain i no save kisim kain helpim olsem bipo. Ples bilong ol i stap longwe tru long bus namel long Samberigi, Erave, Kikori na Simbu na kain mani olsem em ol pipel ya i no bin kisim long han bilong gavman o outsait lain long bipo yet, maski PNG kisim independens 35-krismas i go pinis.

"Tru tumas, Kelly Naru mekim histori na brukim rekot long givim kain bikpela mani olsem long mipela ol bus lain. Gavman i no save luksave long ol bipo yet inap nau," Tim Deke tokim Wantok Niuspepa.

Mista Naru, husat i go het yet long wok misin bilong em long sapotim ol Kristen brata susa long PNG i givim K5,000 long helpim ol Maunt Tawa pipel long opim nupela trening senta bilong ol long ples em ol ruel pipel yet i wokim wantaim sapot olsem nil na tuls em Summer Instiut ov Linguistik (SIL) i givim ol.

Loya Naru i tok olsem em i givim dispela helpim long pasin bilong laikim (Love) long ol Kristen brata susa.

Em i tok maski olsem em i Luteran, em i gat strongpela bilip olsem pasin bilong laikim na givim em bikpela samting Papa God i laik, na pikinini bilong em Jisas Krai i tokaut tu insait long Baibel olsem namel long olgeta bikpela lo.

Loya Naru i stori gut tru long ol lain grup bilong Mt. Tawa olsem insait long Baibel wanpela saveman bilong lo (loya) i bin askim Jisas Krai olsem. "Wanem lo em bikpela tru?, Jisas i bekim na i tokim em olsem nambawan bikpela lo tru em. "Yu Laikim God bilong Yu wantaim Bel na Tingting blong yu. Dispela em nambawan mandato we i winim olgeta narapela lo" na Jisas i tokim loya gen olsem namba bikpela lo em "Yu mas laikim ol arapela olsem yu laikim yu yet".

Mista Naru i tok olsem ol wokman meri bilong ol Kristen Sios i mas soim gutpela pasin long eksen bilong ol. Ol i noken tok-tok nating long Kristen bilip, tasol nogat eksen i kamap long pasin bilong givim o helpim.

Em i tok olsem Buk Baibel i tok olsem "Bilip (faith) em nogat eksin bilong em indai pinis"

Em i mekim dispela toktok bihain long em i givim K5,000 long helpim ol Kristen manmeri bilong Maunt Tawa pipel husat i save lotu wantaim Evanjelikal Sios bilong Papua Niugini long opim wanpela trening senta long ples bilong ol long ples.



Strongpela Luteran Sios man na loya, Mista Naru (raithan) i givim K5,000 sek i go long ol lain bilong Mt Tawa long Erave.

Bikpela bus namel long Erave na Simberigi long Sauten Hailans.

Mista Naru i givim stia tok-tok long ol lain bilong Maunt Tawa. Ol potos: James Kila



Turangu ol Maunt Tawa komyuniti pipel long bus ples tru na longwe long ol sevis-es bilong gavman. Nogat planti manmeri bilong dispela ples i save wok long bikpela ofis o wok long taun na rot bilong painim mani i hat tru.

Nogat rot bilong kar i go long dispela ples Mt Tawa. Dispela ples i stap longwe tru namel long bus bilong Samberigi long Erave na tu Simbu na Galp provins. Ples

i longwe tru na dispela i mekim turangu ol pipel bilong ol ples ya i no kisim gutpela helt na edukesin sevises. Ol i stap wankain yet olsem tumbuna bilong ol long bipo bikos sevises bilong gavman tu i no go long eria bilong ol.

Mista Naru i givim K5,000 long helpim dispela ruel komyuniti bihain long wanpela pikinini man bilong ol Tim Deke i raitim wanpela leta long askim helpim long

Mista Naru.

Maunt Tawa i stap longwe tru, balus tasol bilong MAF, SIL na SDA aviesin i save go long dispela ples.

Mr Dekei tok olsem ol pipel bilong ples i bin traim long mekim liklik fan-reising long sapotim ol pipel bilong ol long ples. Ol i laik bungim bungim liklik mani inap olsem K100 o K200 long sapotim ol pipel long ples. Long las wik Fraide em raitim wanpela leta na bringim i go long ofis bilong Mista Naru. Long Sande Mista Naru i go bungim ol liklik lain manmeri bilong Maunt Tawa na givim ol K5,000 helpim.

Planti ol pipel wantaim Mista Deke i painim hat tru long tok tenkyu long Mista Naru, bikos dispela helpim i bikpela tru na em namba wan taim tru long ol pipel bilong dispela ples i kisim kain helpim olsem i kam long outsait. Ol i amamas tru na i tok ol bai salim mani i go long ples long helpim ol viles pipel bilong ol.

Loya Naru i givim ol gutpela toktok bilong Buk Baibel we i kirapim stret bel bilong ol dispela liklik lain bilong Maunt Tawa.

Em i autim tok bi long 1st Korin 13 ves 13 we i toktok long pasin bilong laikim o long tok Inglis em "Love".

Mista Naru i tok pasin bilong laikim na givim o helpim em gutpela Kristen pasin. Em i tok maski olsem em bilong Luteran Sios, em i gat gutpela bel long givim helpim long ol Kristen brata susa long stretim sindaun bilong ol long wok bisnis bilong Papa God. Olsem na helpim em i givim ol lain bilong Maunt Tawa em wanpela long ol helpim em i givim long gutpela bel em i gat long pasin bilong laikim.

Mista Naru i bin helpim planti ol Kristen sios long Papua Niugini, na olsem wanpela Kristen man em i soim gutpela pasin long helpim ol Kristen brata susa long promotim bisnis bilong Papa God insait long PNG.

Wanpela tambu bilong ol lain Mt Tawa, Simon Nande i tok olsem maski olsem dispela ples Maunt Tawa i stap long Sauten Hailans provins, nogat gutpela luksave i save kam long Sauten Hailans provinsal gavman. Planti taim ol pipel i save kisim hat taim tru.

Em i tok i gat Gobe oil projek i stap klostu long eria bilong ol Mt Tawa pipel long Erave, tasol nogat sevises i go long helpim ol dispela turangu lain. Planti ol pikinini bilong ol i no go long bikpela skul na tu nogat lain bilong ol i wok long ol taun na siti long PNG.

Planti taim ol wokman bilong gavman olsem ol tisa na ol medikal wokman husat i go wok long dispela ples i no save stap long ples. Ol save lusim wok na go bek long ples klostu long taun bikos ol sevis bilong gavman i no save go long dispela ples na ol i save painim hat taim tru long kisim pei bilong ol na tu kism ol narapela sevis bilong gavman.

Raun wantaim Kanage olgeta wik

Wanpis painim em

BARATA Kanage em wanpela mangi Watut, insait long Morobe provins. Wanpela taim em i bin go painim abus long bus wantaim dok bilong em, Wanpis. Tupela raun painim abus i go na em pilim pekpek. Kanage giamanem wanpis i go na em i hait na laik stretim wari bilong em. Kanage i go long as bilong wanpela bikpela diwai na pekpek i stap. Em bisi stap na em i no lukim snek. Sneki ya ron isi i kam long Kanage na boi pret na sindaun isi tasol. Wanpis i go na em kam bek painim papa bilong em. Wanpis i kam long baksait bilong papa bilong em Kanage. Isi tasol, Wanpis i kam smelim as bilong Kanage. Kanage i no pilim bikos em bisi long was long snek i stap. Taim Kanage pilim tang bilong dok, em kirap nogut na kalap i go antap long snek. Sinek kisim taim tru na ronowe i go long bus. Kanage hariap tru pasim laplap na ron i go long ples.

Betty Omboki
Popondetta

Pawa bilong Sepik danis

KANAGE em bilong Sepik na em i stap long Morata. Wanpela Sarere avinun em i kisim tokwin olsem ol wantok sumatin long



UPNG bai mekim wanpela danis bilong ol long Lamana.

Kanage was was, senis olsem wanpela wokman na lek paia i go long Lamana long halivim ol wantok sumatin. Taim Kanage i kamap long ples danis, em i lukim ol kain kain pes wok long sakim sakim long wanpela namba i stap. Kanage suruk suruk i go long namel long dens floa. Oloman, bagaros i no westim taim, em i pulim wanpela kemikol yauro na tupela mekim save long danis. Kanage wokim kain kain stail na ol arapela manmeri stop danis na lukluk long tupela. Mangi Sepik ya. Boi ya wail olgeta na stat long sutim han, lek na olgeta hap bodi bilong em i go nabaut nabaut. Wanpela barata lukim em na isi danis i go long baksait bilong em na tok, "Hei, wantok! Yu wok long wokim wanem kain danis ya?" Kanage tanim tasol na tokim em, "Sarap na pasim maus bilong yu, yu no save olsem mi wok long traime long trikime bes man wantaim drams man!". Bata man ya tok, "Ol Sepik tu ya. Ol i gat teknik na stail bilong ol yet long senisim bit bilong musik tu

ya!". Kanage isi tasol tokim em, "Yu weit! Yumi go autsait bai mi traime trikime trefik lait tu!"

Kande Kips
Maprik

Mekim nating long wan tasol

KANAGE em bilong Jiwaka na em i no save lukim pukpuk. Em i save harim ol stori tasol olsem ol Sepik tasol i gat planti pukpuk. Em nau wanpela taim boi nogut i go raun long Sepik. Em i go long wanpela hap ol i save lukautim ol pukpuk na em lukim wanpela bikpela toksave i stap. Ol i raitim olsem: 'BEWARE. CROCODILES ARE HERE'. Baga ros ya i no go long skul na em ridim toksave olsem, 'Bear wah - re kro-ko dile a re he-re'.

Izals
Aitape

Ol skwat!

Salim ol gutpela Kanage tok pilai i kam long: Kanage Tok Pilai P.O. Box 1982, Boroko, NCD Port Moresby. Email: atolire@wantok.com.pg

Mi no save long wei bilong riprodaktiv sistem

Dia Laipain,

MI WANPELA yangpela man na mi laik save moa long riprodaktiv sistem bilong ol man na meri.

Mi save harim long ol pren bilong mi olsem taim meri i laik kisim sik mun bilong em na man i slip wantaim em long namba wan de long sik mun bilong em, meri ya gat moa sans long kisim bel.

Mi gat gelpren na mi laik slip wantaim em tasol mi pret long wanem samting mi harim na mi no save slip wantaim em. Mitupela i gutpela pren tru na mipela i rispektim mipela yet, maski mipela i no slip wantaim.

Mi laik save sapos wanem samting mi harim i tru o nogat.

Yangpela man i paul

Dia Pren,

Tenkyu long pas bilong yu i kam long Laipain we yu autim askim bilong yu long slip wantaim gelpren bilong yu, na save yu gat we i lukim yu stap long seif sait long pasim yu long slip wantaim em.

Liklik infomesen yu harim long ol pren bilong yu i hap tru, tasol wan-



taim nogat save bilong yu long dispela samting, yu pret nau.

Dispela piling bilong pret i ken kamap stia bilong yu sapos yu laikim prensip we i gat mining wantaim gelpren yu gat nau.

Yu tupela painim rispek o luk-save, wari, trupela pilings na strongim tingting bilong yutupela na dispela bai lukim yu tupela laikim yupela yet tru.

Mipela laik mekim yu ting save olsem seksuel prensip namel long tupela husat i no marit yet em sin o pasin nogut long ai bilong God na tu long planti sosaiti long PNG.

Pasin long slip wantaim em presen bilong God bilong ol marit lain husat i gat komitmen long ol yet insait long laip taim prensip long lav na strongpela bilip.

Slip wantaim em fainol samting long soim trupela lav o laik pasin namel long tupela man meri.

Em i bungim tupela wantaim inap

taim tupela dai. Mipela i strongim yu long wokabout long helti rot yu kisim inap taim yu tupelai redi tru long marit.

Narapela tingting bilong mipela em long, yu go long Kristen buk stoa na painim ol buk we i toktok long plen bilong God long gat gutpela prensip na marit.

Dispela bai helpim yu ting save moa long ol meri na helpim yu long painim gutpela laip taim patna bilong yu.

Long kisim moa stia long prensip i moabeta long yu toktok wantaim ol marit man meri o go lukim sios pasto husat i klostu long yu o wantaim sios yu lotu wantaim.

Laipain

Sapos yu gat wari, rait i kam long Lifeline, P O Box 6047, Boroko, NCD. Telipon: 3260011. Raitim trupela nem na etres bilong yu na bai mipela i ken salim bekim long pas bilong yu. Bai mipela i no inap putim trupela nem bilong yu long stori.

Laipain



NEM: Lopecii Loapa

KRISMAS: 17(man)

ADRES: PNG Bible Church, P.O Box 363, Mendi, S.H.P

SAVE LAIKIM: Pilai volibol, harim musik.

NEM: Ronda Elmale

KRISMAS: 20 (meri)

ADRES: Pes Catholic Mission, P.O.Box 179, Aitape Sandaun Provins

SAVE LAIKIM: Go lotu, mekim pani, lukim TV na mekim pen pal

NEM: Mariatha Seilupe

KRISMAS: 27 (meri)

ADRES: Pes Catholic Mission, P.O Box, 179 Aitape, Sandaun provins

SAVE LAIKIM: Mekim pani, go lotu, pilai soka na volibol, harim musik na lukim TV

NEM: Ronald Wama

KRISMAS: 25 (man)

ADRES: C/-B.E.F, P.O.Box 84, Maprik, E.S.P

SAVE LAIKIM: Kompyuta study, Accounting study, Economics stadi, pilai spot, mekim pren na go lotu.

NEM: Karl Giri

KRISMAS: 36 (man)

ADRES: Semoroks Gospel Club, P.O.Box 3368, Lae, Morobe Provins

SAVE LAIKIM: pilai lid gita, komposim na singsing long God, painim meri lotu long helpim long singsing.

NEM: Mary -Grace Walete

KRISMAS: 19 (meri)

ADRES: Pes Primary School, P.O.Box 36, Aitape, Sandaun Provins

SAVE LAIKIM: lukim TV, harim musik, go lotu, pilai soka na basketbol, mekim pani

NEM: Keiken Elmale

KRISMAS: 24 (man)

ADRES: Pes Primary School, P.O.Box 36, Aitape, Sandaun Provins

SAVE LAIKIM: Mekim pani, pilai soka, harim musik na lukim TV

NEM: Franklyn Wamo

KRISMAS: 26 (meri)

ADRES: Pes Primary School, P.O.Box 36, Aitape, Sandaun Provins

SAVE LAIKIM: Mekim pani, go lotu, pilai soka, harim musik na lukim tv

NEM: Annie Mary Yuwei

KRISMAS: 20 (meri)

ADRES: Pes Primary school, P.O.Box 36, Aitape, Sandaun Provins

SAVE LAIKIM: Pilai soka, volibol, mekim pani, go lotu, harim musik na lukim tv

NEM: Amos Geyamme

KRISMAS: 23 (man)

ADRES: Guyata Elementary School, P.O.Box 386, Eriku, Morobe Provins

SAVE LAIKIM: Pilai soka, ritim buk na go lotu

Somare amamas long makim bilong Lasia

MINISTA bilong Pablik Entaprais, Arthur Somare, i tok welkam long disisen bilong gavman long makim Mathias Lasia olsem seketari bilong Dipatmen bilong Pablik Entaprais.

Long soim amamas bilong em, Mista Somare i mekim ol gutpela toktok long lidasip bilong Lasia, long wok bilong em na long em i husat.

Em i tok Lasia i bin stap olsem ekting Seketari stat long taim gavman i kamapim dipatmen bilong Pablik Entaprais long 2008.

"Makim bilong Lasia olsem Seketari i tokaut long gutpela save em i gat long kari-maut ol wok aninit long ministri bilong mi," Somare i tok.

Lasia i kam long dipatmen wantaim save bilong kamapim ol gutpela polisi na plening bihain long em i bin stap long Dipatmen bilong Nesenel Plening na Monitaring long planti yia, na i wok hat inap long em i kamap Deputi Seketari bilong dispela dipatmen.

Em i lusim DNPLM long 2008 long join wantaim Pablik Entaprais Ministri.

Bihain long dispela em i bin wok hat long stap insait long tim bilong gavman long kamapim PNG Likwufait Netseral Ges



LAISA: Nupela Seketari bilong Dipatmen bilong Pablik Entaprais.

(LNG) projek arere long wok em i mekim long ronim dipatmen.

Lasia i bilong Pomio, Is Nu Briten Provins na i holim Digri long Ikonomiks long Yuni-versiti bilong Papua Niugini.

PNG Maining na Petroleum Samba long holim kibung

I LUK olsem wanpela bikpela kibung bilong Maining na Petroleum sekta bilong Papua Niugini nau i wok long redi is tap.

Dispela bai lukim PNG Samba bilong Maining na Petroleum bai holim namba 11 kibung long Sidni, Australia 6 i go long 8 i go long Disemba.

Dispela kibung bai lukim inap olsem 900 manmeri i kamap. Praim Minista Se Michael Somare i kamap olsem ges spika na bai givim ki not toktok.

Na kamap wantaim em em ol Minista husat bai tokaut long namel bilong kibung long ol bikpela toktok.

Kibung i bikpela bung bilong Samba na ol memba bilong em, ol arapela PNG bisnis we gavman bai yusim long soim bung long soim ol kain samting kantri i gat long ol arapela kantri long wol.

Dispela bung em PNG Samba bilong Mains na Petroleum we bikpela sapot i kam long ol sponsa olsem Anitua Ltd, Barrick Gol, ExxonMobil na Oil Search Ltd na sampela moa ol sapot sponsa.

Tred so o eksabisen bai kamap long wankain taim long taim Samba i holim kibung.

Inap olsem 31 kampani na oganaisesen i tokaut long stap insait long dispela eksabisen.

Long kibung PNG Samba bilong Mains na Petroleum Eksekutiv Dairekta Greg Anderson i tok.

"Em i bikpela samting mipela i promotim mipela olsem indastri na

kantri long ol arapela kantri long wol. "Fainens indastri bai tokaut long ol rot we kampani bai kisim mani na developim ol projek.

"Sidni i namba wan ples long rijen bilong mipela na olsem mipela i mas soim indastri bilong mipela long ol.

"Mipela i kamapim inap ol toktok long ol arapela kampani na oganaisesen i save long tingting na wok bilong mipela na taim ol i laik kam na kamapim wok insait long kantri ol i kam wantaim kliapela tingting.

Tupela namba wan de bai lukim long ol toktok bilong maining sekta, long ol nupela maining, long namba wan nikel prodaksen na namba wan solwara maining long wol.

Namba tri de Samba bai toktok long rot bilong lukautim na menesim ol win mani gavman i kisim long maining na petroleum sekta.

Wantaim dispela em bai toktok long wok bilong eksplorasen long wan wan ol sekta em kantri i mekim long dispela taim.

Bikpela toktok long sait bilong menesim win mani em Samba bai tokaut long tingting bilong gavman long kamapim Sorvein Welt Fan we Dipatmen bilong Tresari i kamapim na dispela bai stap aninit long PNG Ekstrativ Indastri Trensperseni Inisietiv.

Dispela sesen bai lukim ol toktok bilong wok bilong benking na EFIC long sait bilong ol long sapotim kain wok olsem na long wok bilong komyuniti welfea.

KRISMAS LAIT I BRUKIM LO



GUTPELA KRISMAS LAIT



PNG Power i toksave long ol manmeri olsem sampela stua i wok long salim ol Krismas Lait we i no bihainim Lo.

Ol dispela Krismas Lait i gat liklik waia na rong plag na i ken kamapim birua.

Baim ol dispela Krismas Lait wantaim bikpela insulesin na rait plag.

Askim long wanpela PNG Power apruval setifiket taim yu baim Krismas Lait sapos yu tingting planti.



LAIKIM WOK MAINING: ABG Vais Presiden Patrick Nisira wantaim Bogenvil Afeas Minista na Rijinel Memba bilong Bogenvil Fidelis Semoso.

Papagraun redi long toktok gen long kopa agrimen

BIHAIN long tupela ten krismas 6-pela lain papagraun we Panguna kopa main i stap long em i laik toktok gen wok bilong Bogenvil Kopa Agrimen.

Ol toktok bai kamap long opim gen Panguna main.

Kibung bilong Novemba 26 i bikpela samting long wanem em i toktok long ol hevi i stap long Sentrel na Saut Bogenvil na i namba wan taim kain kibung i kamap bihain long ol hevi bilong Bogenvil i kamap.

Ol papagraun i kam long Sentrel na Saut Bogenvil na wan wan i kam long ol arapela hap bilong PNG.

Rijinel Memba bilong Bogenvil na Minista bilong Bogenvil Afeas Fidelis

Semoso i sponsaim dispela kibung we redio Niu Dawn FM i tokaut long em.

Ol papagraun i no yusim planti taim long tokaut long tingting bilong ol

Olgeta toktok bilong stretim i tokaut long wanem samting ol bai mekim.

Mista Semoso i givim inap olsem K300,000 long helpim ol papagraun grup statim toktok bilong ol na em i amamas tu long helpim wantaim K600,000.

Memba bilong Sentral Bogenvil Patrick Nisira i tok welkam long tok bilong ol na i salensim ol long ol i mas wokbung wantaim.



BUNGIM SEMPION: PNG kiboksa Alfred Samuel i sanap wantaim kiboksing wol sempion bilong Australia, Tim Drury taim em i go pait long wanpela so bilong Drury long Australia long Novemba, dispela yia. *POTO: Tim Drury.*

SEIF: Gabby Mamalau bilong Stingers i kalap i go bel long namba tu bes bipo long ol Dolphins i autim em long Mosbi sofbol gem bilong ol long Bisini long Sande las wik. *POTO: Andrew Molen.*



KALAP: EPC soka tonamen em wanpela tonamen we planti ol gutpela pilaia bilong Milen Be provins i save soim kala bilong ol long dispela taim. Tonamen i save kamap olgeta yia na i wok long kamap nau long Mosbi, dispela yia.

PUTIM HAN: Dispela tupela pilaia bilong Brian Bell (lephan) na BSP i resis long kisim bal long praivet kampani netbol gem bilong ol long Mosbi las wik Sande. *POTO: Andrew Molen.*



DOUBLE TAKE

...Look closely

...plus
bemobile will

Triple

Top Up on K3, K5, K10 or K20
bemobile topkad &
Double your credits



every purchase of
K50 & K100 topkad



bemobile mipela bilong y

on all bemobile topkads
offer ends midnight

Terms and Conditions apply

Sempion lus long Arang

Andrew Molen i raitim

SEMPION boksa bilong Skotlen (Scotland) i bin kirap nogut taim PNG profesenol boksa, Kartu Arang i winim em las wik Fraide (Novemba 26, 2010) long Melbourne.

Bipo Olimpik pilaia bilong Skotlen, Scott "The Executioner" McHaulin husat i gat moa long 30 profesenol boksing pait i no bin inap long daunim Arang long 54-55.5kg pait bilong tupela.

McHaulin husat i holim tu bantam weit taitol bilong Ailan (Ireland), i wanpela strongpela man tasol Arang i tok em i trening hat na i bin redi gut long dispela pait.

"Promota bilong McHaulin i bin kamapim dispela pait na i ting em bai wanpela isipela pait bilong em bilong wanem McHaulin em wanpela paitman husat i no save giv ap na i save pait i go inap long gem i pinis.

"Em i man bilong tromoi han strong tu na i gat gutpela rekot long nem bilong em tasol mi mekim ol i kirap nogut taim mi winim em long asples bilong em yet long ai bilong ol sapota bilong em," Arang i tok.

"Mi mekim mi yet na trena bilong mi,



WIN: Arang i sanap redi insait long wanpela pait bilong em long Julai dispela yia.
POTO: Kartu Arang.

Alex Tui tu i kirap nogut," em i tok.

"Mi save Kartu i redi long kamapim wanpela strongpela pait tasol mi no ting em bai kamap olsem," Tui i tok.

Em i bin kirap nogut long lukim Arang i daunim McHaulin long raun tri na bihain long raun 5 gen insait long 6x3 minit pait bilong tupela.

Tasol McHaulin i gat gutpela kalap long lek bilong em na i wok long ronawe long Arang bihain long Arang i givim em wanpela gutpela lephan huk na tu long taim em i pasim em long kona bilong ring.

"Kartu i save tren hat tru na i gutpela long em i kisim dispela win.

"Mi amamas tru long em," Tui i tok.

Arang em i wanpela Profesenol PNG boksa tasol husat i save stap na karim nem bilong PNG long Australia,

Em i save stap trening na pait aninit long nem bilong wol sempion, Anthony Mundine long Sidni (Sydney).

"Em i gutpela yangpela man husat i save helpim mi gut tu long trening na lukautim ol yangpela mangi long hia na ol i save lukluk long em tu long strongim ol," Tui i tok long wok bilong Arang.

Menesa bilong Arang, Glick D. Lambea tu i tok dispela win i gutpela long em bilong wanem em i save trening hat tru long en.

"Em i givim bikpela taim na strong long laip bilong em long dispela spot we em i save laikim tru na i gutpela long lukim em i winim kain bikpela pait olsem," Lambea i tok.

Enga em laspela long kisim trening dispela yia

LASPELA ples long Papua Niugini long kisim Yut Spots program bilong PNG Sports Foundation (PNGSF) dispela yia em Enga provins.

30 manmeri bung long Wabag long stap insait long dispela trening program inap wanpela wik.

Insait long dispela trening ol i lukluk long pilai na ron bilong Tim Enga insait long 2009 PNG gems.

Ol i mekim dispela long luksave long ol hevi na asua bilong ol bai ol i ken stretim na abrusim ol dispela hevi long bihain taim.

Enga Spots Federesen i wokbung wantaim ol Hailans rijinel opisa bilong PNGSF long kisim dispela program i go.

PNGSF Hailans rijinel opisa, John Hou i tok ol dispela manmeri bin wokhat long kisim dispela trening program i go na ol i amamas tru taim em i kamap long ol las wik.

Scott Vavine husat i save go pas long givim dispela trening, i tok dispela program i wok long ron gut insait long ol Provins na i gutpela long lukim Enga tu i kisim.

"Ol provinsel tim i mas kisim gutpela stia long kamapim na ronim ol gem bilong ol na tu long redim gut ol tim bilong ol long go long PNG Gems long Kokopo long 2012," Vavine i tok.

Em i tok, long taim gem i stat long 2003 long Goroka i nap nau, ol provin-

sel tim i no save redi gut na dispela i mekim na ol i no save pilim gut swit bilong PNG Gems.

"I gat planti hap yet bilong ol provinsel tim i stap yet we yumi mas lukluk long en na stretim bipo long ol gem i kamap gen.

"Planti ol gutpela pilaia i no save kisim gutpela luksave bilong wanem i nogat gutpela menesmen i stap long mekim ol i kamap na soim ol ples kliia," Vavine i tok.

PNGSF wantaim sapot bilong Trukai Industries i save kisim dispela program i go long ol provins long helpim ol i kamapim na ronim gut ol spots bilong ol.

Resis long Kokopo

ikam long pes 28

Gems long Rio de Janeiro long Brazil na 2015 Pasifik Gems long PNG yet.

Rapilla i tok gem i go long Kokopo nau na em i sans bilong ol pilaia long hap long kamaut ples kliia na soim ol yet.

Las yia tupela Niugini Ailan tim, Rebels na Tomaringa Royals i bin go long gren fainols bilong kap trofi na nau bai gat moa salens gen long ol.

Puarua i tok tu olsem refri trena bilong PNGRFU, Peter Pusal na Nesenel Ragbi Development Opisa na tu tonamen dairekta bilong dispela resis, Robin Tarere, bai kamapim wanpela trening kos bilong ol refri bipo long tonamen i kamap.

"Dispela em i sans bilong ol NGL refri long ronim ol gem bilong nesenel sevens," Puarua i tok.

PNGRFU i tok ol bai tokaut long mama spona bilong dispela tonamen long wik kam.

Spotsmanmeri mas go pas long daunim sik AIDS

Andrew Molen i raitim

OL spotsmanmeri mas i go pas long pait bilong daunim sik AIDS insait long Papua Niugini na tu long wol.

Taim ol spotsmanmeri bihainim dispela pasin bai ol arapela manmeri tu bai bihainim ol.

Dispela em astingting bilong nupela ripot PNG Sports Federation na Olympic Committee (PNGSFOC) i kamapim wantaim wokbung bilong PNG Sports Foundation (PNGSF).

Nem bilong dispela ripot em; "HIV Prevention Through Sport: A Toolkit for the PNG Sports Community."

Dispela buk i gat ol progrem na wok we wanwan spots i ken bihainim long skulim ol pilaia na komyuniti bilong ol long sik AIDS.

"Astringting bilong dispela em long yusim spots long skulim moa manmeri long sik AIDS na tu long senisim sampela pasin we i save strongim dispela sik," Se John Dawanicura bilong PNGSFOC i tok.

Em i tok ol i laik planti moa manmeri mas senisim pasin na lainim long harim ol tok lukaut bilong abrusim sik AIDS na tu long lukautim ol manmeri husat i gat dispela sik.

"Mipela i laik bai planti moa spots oge-naisesen na komyuniti mas i gat ol polisi long wanwan ples bilong ol bilong skulim ol manmeri moa long sik AIDS na tu senisim pasin na tingting long helpim na daunim dispela sik," Se John i tok.

Sif Eksekutiv Opisa (CEO) bilong PNGSF, Iammo Launa i tok ol i makim ol spotsmanmeri long go pas long kisim dispela skul bilong wanem spots em i wanpela samting we i save bungim ol manmeri na i ken harim tok bilong ol fevret pilaia



KISIM: Ol lida bilong wanwan spot i kisim buk bilong ol bihain long Gavana Jeneral i opim long Tunde dispela wik long Se John Guise stedium long Mosbi. POTO: Andrew Molen.

na tim bilong ol.

"Yusim dispela buk long skulim ol kosa, trena, pilaia, etlit na ol arapela spotsmanmeri bilong yupela.

"Bihain ol i ken go aut na skulim ol arapela manmeri," Launa i tok.

"Ol manmeri save harim tok na bihainim ol fevret pilaia na spot bilong ol olsem na ol bai harim ol taim ol i toktok long ol stretpela pasin na tingting bilong bihainim long daunim sik AIDS," em i tok.

PNG Gavana Jeneral, Gren Sif Se Paulias Matane husat i opim dispela buk, i tok, PNG gat bikpela namba moa long ol lain i gat sik AIDS na ol manmeri mas harim tok na senisim sampela pasin.

Nau yet, 33.4 milien manmeri long wol i gat sik AIDS, Osenia i gat 74, 000 we PNG

em bikpela namba moa long ol arapela Pasifik na Osenia kantri wantaim 34, 100 manmeri.

"Yumi mas senisim pasin na harim tok nau bipo long yumi olgeta i kisim dispela sik nogut," em i tok.

"Ikonomi bilong kantri bai go daun sapos planti moa yangpela manmeri gat dispela sik bilong wanem ol bai nogat strong long mekim planti wok tumas," Se Paulias i tok.

Em i tok narapela as bilong makim spots long go pas long dispela pait agensim sik AIDS em bilong wanem planti yangpela manmeri namel long 15 na 50 krismas i save stap insait long spots.

Planti bilong ol lain i gat dispela sik i stap namel long dispela ol krismas olsem na planti moa spotsmanmeri mas save long

dispela sik na go pas long skulim ol arapela long en.

"Yumi save gat ol bikpela gem tu i save kamap we ol yangpela i save go raun na pilai, long dispela taim, sampela i save laikim narapela man o meri we ol i bungim long narapela hap lng dispela taim.

"Long hap, ol i nap long silip wantaim na dispela i ken apim sans bilong ol long kisim sik AIDS hariap sapos ol i no lukautim ol yet gut," Se Paulias i tok.

"Yumi mas lukautim yumi yet na tu skulim planti moa yangpela manmeri long save gut moa long dispela sik na spots em i nambawan rot long mekim dispela wok," em i tok.

Ol spots i kisim dispela buk we ol bai yusim insait long ol progrem na wok bilong ol.

"Mipela long soka i gat wok long kamapim wanpela polisi bilong AIDS na dispela buk bai helpim mipela gut," Taku Niebo bilong PNG Football Association (PNGFA) i tok.

"Mi ting em i gutpela samting long kamapim dispela buk na mipela long soka bai yusim gut bilong wanem i gat planti pilaia wantaim 15 krismas i go antap long 30 na moa," em i tok.

Stanley Nandex bilong PNG Kickboxing Association tu i amamas long dispela buk.

"Spot bilong mipela i save go long planti ol provins na ol liklik ples olsem na i gutpela long mipela i gat dispela buk bai mipela i ken kisim toksave bilong AIDS i go daun stret long ol asples na distrik," Nandex i tok.

"Mi ting planti manmeri bai kisim gutpela samting long ol wok i kamap long sik AIDS bihainim ol samting i stap insait long dispela buk," em i tok.

Yusim bal long daunim bikhet pasin

Andrew Molen i raitim

OL manmeri long ol setelmen na komyuniti insait long Mosbi tok ol les pinis long yusim gan long daunim ol bikhet pasin.

Nau ol i laik pilai sampela kan spots long stap gut na lus tingting long dispela kain ol pasin.

"Mipela i les pinis long yusim gan na ol polisman tu i les pinis long ronim ol mangi na sut long gan long traime na stopim ol.

"Pasin pait na bikhet tu em i nap, nau mipela i laik yusim bal long daunim ol dispela hevi," Presiden bilong Bomana Sabeben Of-sisen ragbi lig, Alphonse Witnes i tok.

Witnes i tok planti ol yangpela manmeri bilong ol i stap gut nau bihain long ol i go insait long of sisen ragbi lig bilong wanem planti bilong ol i save pilai spots.

Asosiesen bilong Witnes i stap insait long Pot Mosbi Sabeben ragbi lig we i save kamap olgeta yia long krismas na niu yia holide.

Olgeta hap insait long Mosbi we i gat



BLO MIPLA: Witnes i holim Governor's kap trofi we ol tim bai pilai long en dispela krismas long Bomana. POTO: Andrew Molen.

dispela of sisen ragbi lig resis i save bung wantaim na resis long Disemba aninit long sapot bilong NCD na Gavana Powes Parkop.

Ol i save pilai long winim Governor's kap trofi na tim we i winim i save go pas long holim dispela resis long narapela yia bihain.

Bomana i bin winim dispela resis long

2009 na nau i kisim tok orait long Mosbi sabeben ragbi lig presiden, Billy Yaki long holim tonamen long hap dispela yia.

Tonamen bai ron long Disemba 23 i go long 27 na 24 klap bilong olgeta hap long siti bai stap insait long dispela resis.

Fes sekreteri bilong Gavana, Stanley Iko i givim Gavana's kap trofi go long Witnes long Trinde dispela wik na i amamasim ol

long stap insait long dispela salens tu.

Yaki tok em bai givim tu K20, 000 i kam long Gavana Parkop, i go long Bomana long ronim dispela tonamen.

"Mi laikim dispela tonamen i mas kamap na ron gut bilong wanem em bai bungim ol yut bilong yumi wantaim na ol bai no i nap stap nating na raun nabaut na kamapim hevi," Yaki i tok.

Em i tok tu olsem ol PNG NRL pilaia na Kumul pilaia bai no i nap stap insait long dispela tonamen.

"Ol i kamap pinis olsem na ol bai no inap pilai, dispela em gem bilong ol yut long strit na ples long bung na amamas," Yaki i tok.

Tasol ol dispela pilaia i ken kamap olsem kosa bilong wanwan tim sapos ol i laik.

Askim i go tu long ol tim bilong ol Motu ples insait long NCD.

Dispela yia bai namba wan taim tu bilong ples Barakau long Sentral provins long salim wanpela tim i kam insait long dispela tonamen.



SPOTS



Isu 1894

Wan wik: Fonde, Disemba 2 - 8, 2010.

I gat spes yet long sevens tim Resis long Kokopo



I GAT planti spes i stap yet insait long Papua Niugini ragbi sevens tim.

Ol pilaia i ken resis long dispela ol spes taim ol i kamap long Nesenel Sevens tonamen long Kokopo long Disemba 11 i go long 12, dispela yia.

Aninit long kosa, Shane Howarth, PNG kwalifai long stap insait long Wellington na Adelaide sevens resis long 2011.

Tasol olgeta pilaia husat i stap long tim nau bai stap insait long dispela Nesenel Sevens tonamen bilong ol selekta na arapela opisal long lukluk long ol gen.

16 tim bai stap insait long dispela resis we ol pilaia bilong 2010 Komonwelt Gems ragbi sevens tim bilong PNG tu bai stap insait long ol.

Tisa Kautu, Albert Levi, kepten bilong ol, Chris Kaka, Henry Liliket na Gare Ponda tu bai pilai bilong wanwan tim bilong ol insait long dispela tonamen.

Howarth bai holim planti ol pilaia bilong em i stap yet tasol em i no

pasim dua long ol nupela pilaia long soim ol yet na kisim sans long kam insait long tim.

PNGRFU Sevens kodineta, Keith Puaria i tok husat ol pilaia husat i laik soim ol yet i mas kamap long Kokopo long wik i kam.

"Olgeta pilaia husat i stap long skwat bai go bek long pilai long tim bilong wanwan ples bilong ol.

"Dispela bai kamapim wanpela bikpela salens na em i gutpela rot tu long pasim dispela yia wantaim kain bikpela pilai olsem," Puaria i tok.

Pacific MMI Kimbe Rebels bilong Wes Niu Briten provins husat ol i winim dispela taitol tupela taim pinis bai traime long kisim bek dispela yia.

Ol i kam bek i no long taim i go pinis long nambawan ovasis gem bilong ol taim ol i stap insait long Gold Coast Intanesenel sevens resis we ol i pinis long fainols resis bilong Trofi.

Rebels bai putim wanpela strongpela pilai gen aninit long kepten bilong ol, Freddie Matthies.

Ol arapela ples husat i makim pinis olsem ol bai kamap em Goroka Silverbacks na Sharks, Madang Mad Gauns, Black Orchids bilong Bogenvil, Manus, Oro, Niu Ailan Drongos (2) na Is Niu Briten Kaias (2).

Puaria i tok ol i bilip Daru Stingrays tu bai kamap long dispela resis tasol ol i no tokaut stret yet long wokabout bilong ol.

Dispela em i namba wan taim tu bilong PNGRFL long kisim dispela Nesenel Sevens resis i go long ol Niugini Ailan.

Jenerel menesa bilong PNGRFU, Billy Rapilla i tok ol bai lukluk moa long ragbi sevens long ol yia i kam na ol bai lukluk moa long strongim nesenel tim.

Em i tok astingting bilong ol em long lukluk long 2016 Olimpik

Moa long Pes 26...

SPITMAN: 2010 PNG sevens tim pilaia, Albert Levi bai stap insait long dispela tonamen wantaim ol arapela skwat memba. WANTOK POTO.

27 Spotsmanmeri mas go pas long daunim sik AIDS.

26 Carlaw bai kam bek long Broncos long 2011 sisen.

Johnston's Pharmacies

For First Aid Kits. Red8 Body Bulk Protein Supplements. Thompson Vitamins, Bandages, Strapping Tape, Mouth Guards.

All Sport and First Aid requirements.

P.O.Box 1066 Boroko. Phone 325 3185. Fax 325 0190. Email sales@johnstons.com.pg."

Wol AIDS De: Lukluk long ol Yia i go Pinis

Westen Provins Kamap ples kliia long 2008 WAD

Liklik taun bilong Westen provins i makim Wol AIDS wantaim stail wantaim tupela flot. Ol lain i bilasim kar na ron long wanpela hap long taun i go long narapela. Ol yut i mas wantaim polis na wokman bilong Koreksinal Institutusen Sevises, ol pablik sevans na ol provinsal lida.

Foma HRC, Mista Gabriel Maroa i tok olsem 2008 WAD em namba wan gutpela seremoni tru na i winim ol narapela. Em i tok i bin gat moa lain provinsal stekholda olsem ol sios, NGP na provinsal gavman lain i bin stap long seremoni.

US Embesi amamasim 2008 WAD

Foma U.S. Embeseda i kam long PNG, Leslie Rowe na ol wokman meri bilong em long embasi i sapitim BAHA Werim Red Kempein 2008 na i soim ona long WAD 1st Disemba 2008.

Embeseda Rowe i tok long 2008 Wol AIDS De olsem Amerika i bihainim wanem promis bilong en long go pas long givim sapot long wok long banisim egens HIV na AIDS

Em i tok olsem U.S. Presiden Imejensi Plen bilong AIDS Rilif (PEPFAR), Gavman bilong U.S. i givim pinis US\$18.8 bilion long HIV na AIDS helpim na U.S. Kongres i tok-orait long klostu US\$48 bilion long HIV na AIDS, sik TB na malaria insait long neks 5-pela yia. "U.S. i putim mani long ol program long sapotim na strongim ol lain husat i stap wantaim sik HIV na AIDS, strongim voluntari kaunseling na testing sevises na givim teknikal helpim,"

Embeseda Rowe i tok olsem PEPFAR em wanpela bikpela wok long nupela taim long ol developmen program we luksave i stap long wok patnasip, sapot long ol plen insait long kantri wantaim patnasip namel long ol gavman, non-gavman oge-naisesin, sios na komyuniti-bes oge-naisesin, praivet sekta na ol lain grup pipel husat i stap wantaim HIV na AIDS.

Wol AIDS De Seremoni long ol Provins

OL provinsal AIDS Komiti insait long olgeta hap bilong kantri bai kamapim ol seremoni long makim Wol AIDS De. Ol dispela seremoni bai lukim ol manmeri i wokabout egensim HIV na AIDS na wan kain ol seremoni bai kamap long olgeta Distrik na LLG.

OL PACS i tok olsem ol dispela lain ektiviti bai kamap long ol ples insait long PNG olsem spots, expo, na singsing. NACS i givim tok-orait long ol dispela samting i kamap.

Ol yut na provinsal skul bai stap insait long ol pilai olsem dibeit (toktok resis), kwis, drama na danis.

Ol narapela stekholda bai mekim kamap mobail klinik na flot we bai ron long provinsal taun em ol lain husat i stap wantaim HIV na AIDS bai go pas long en.

Ol provinsal bisnis haus na sampela provinsal gavman i soim strongpela sapot long sait bilong mani na narapela helpim. Sampela PACS i tok amamas long NACS na wanbel tru long moa mani

em i givim we i winim narapela yia.

Dispela yia NACS i givim K700,000 mani sapot i go long PACS na dispela i go long planti hap olsem ol distrik na provinsal stekholda na spesel sapot i go long ol PLHIV network.

Dispela em namba wan kain helpim we mani i antap. Pastaim ol PACS i save kisim k10,000.

Tasol olgeta PACS i gat wok long mekim mani ripot bilong ol long WAD, na ol poto bilong wanem ol ektiviti i go long NACS sapos ol i laik kisim mani helpim long neks yia.



Wol Eids De 2010



PNG National AIDS Council Secretariat
P.O.Box 1345, BOROKO, National Capital District
Phone: (+675) 3236161 | Fax: (+675) 3231619
Website: www.nacs.org.pg

TESTIM NA TRITIM – EM I RAIT BLONG YU!
UNIVERSAL ACCESS AND HUMAN RIGHTS

Toktok bilong Praim Minista



The Right Honourable Grand Chief Sir Michael T. Somare, GCL, GCMG, CH, CF, K SJU

Mi amamas long bung wantaim yu-pela tude long makim Wol AIDS De. Em i makim wanpela bikpela taim long mipela taim mipela i stap inast long HIV gro insait long kantri long las 20 yia we planti milien laip na tausen laip long PNG i lus long dispela samting. Dispela de em ol i makim na luksave long tingting ol dispela lain husat i lusim laip bilong ol na ol dispela husat nau wantaim HIV.

Papua Niugini i go pas tru long olgeta kantri long Pasifik rijon wantaim gro bilong HIV. Long nau yet mipela i gat 34,100 lain husat i stap wantaim HIV. Long dispela namba, 31,000 em ol bikpela manmeri na 3,100 em ol liklik pikinini. Dispela sik i wok long goaut bikpela yet insait long ol taun na rurel ples bilong mipela. Wok bilong mipela long daunim dispela sik ino hariap tumas olsem gro bilong dispela sik.

Tasol wok bilong mipela i no go lus nating. Long ol yia i go pinis, mipela i bin kisim planti ol toktok kros long wok mipela i mekim wantaim HIV na AIDS. Long 2006 na 2007, reit o mak bilong kamap bilong sik long ol grup em isi long kisim i stap long 15 i go 49 krismas long PNG na i stap olsem 1.61 pesen na 2.28 pesen. Em i bin kamap olsem long 2009 mak i stap olsem 0.92 pesen.

Tok Tenkyu i kam long Dairekta bilong Nesanel AIDS Kaunsil Sekretariat



Mr Wep Kanawi, CSM, OBE

Dairekta bilong Nesanel AIDS Kaunsil Sekretariat, Mista Wep Kanawi long tude i luksave na amamas long stap bilong ol publik sevans, sios grup, sivil sosaiti, ol manmeri husat i stap wantaim HIV na AIDS, ol yut grup, gavman ejensi lida, ol bisnis haus, dona patnas na developmen patnas long stap bung long makim Wol AIDS De.

Tude i makim wanpela bikpela taim long soim sapot i kam long bikpela level em Praim Minista Rait Honorabel Gren Sif Sir Michael Somare na tu sapot i kam long jeneral publik i soim strongpela wok patnasip long pait egensim HIV na AIDS long kantri bilong yumi.

Mista Kanawi i tok: Menesmen na wokman meri bilong Nesanel AIDS Kaunsil Sekretariat i laik tok tenkyu long olgeta lain husat i stap long bung bilong Red Kempein: Werim Red, Hangamapim Red, Tingting Red na Stap Red. Na i laikim olsem wankain sapot i mas stap long 2011 Wol AIDS De.

Wok long pait egens HIV long PNG i ken go strong wantaim wankain sapot na strongpela wok patnasip namel long olgeta level bilong sosaiti.

Toktok bilong Australia Hai Komisina



HE Mr Ian Kemish, AM

Dispela em bikpela de long strongim wok bung mipela i gat long pait na daunim HIV hevi insait long Papua Niugini long ol yia i kam bhain.

Australia i amamas long wok klostu wantaim Gavman bilong Papua Niugini na ol narapela patnas long sapotim wok long banisim HIV. Mipela olgeta i mekim sampela gutpela wok kamap pinis.

Long sait bilong en, Australia i givim moa long 60 pesen helpim long dispela hevi insait long las yia i go pinis. Insait long wok bilong mipela wantaim ol patna bilong mipela, mipela i sevim planti laip, taim mipela i muv i go insait long sait bilong tritmen, kea na sapot i go long ol manmeri husat i stap wantaim HIV. Wantaim sapot mipela i givim i go long ol sivil sosaiti ogenaisesen na wok wantaim Gavman, mipela i daunim bikpela namba bilong ol nupela lain long kisim sik taim mipela i givim gutpela ol infomesin, ples long ol manmeri long go na testim ol yet, medikal sevises na komoditis. Antap long olgeta dispela, mipela i lukim moa bebi kamap husat i nogat HIV taim mama bilong ol i gat

Dispela em gutpela tokaut, tasol mipela mas strong na wok bung wantaim long daunim dispela mak namel long ol lain bilong mipela long kantri husat i ken kisim sik ya isi tru. Gavman i luksave long wok bilong Nesanel AIDS Sekretariat na olgeta ol stekholdas long wok i l mekim long daunim dispela sik long go bikpela.

Gavman i luksave tu long hevi HIV na AIDS i ken bringim long pipel bilong en na i putim moa mani long helpim na daunim sik long go bikpela. Mipela i amamas na tok tenkyu long teknikal helpim i kam long ol dona patnas. Australia i stap yet olsem namba wan bikpela dona, na i putim planti milien Kina long wok bilong HIV na AIDS long PNG. Ol i stap wantaim mipela long stat bilong dispela pait egensim dispela sik na ol i gohet yet long putim moa mani wan wan yia long helpim. Yunaited Stets (USA) na Yunaited Nesens i givim tu wan kain helpim long mipela. Olsem, lida bilong dispela kantri, i tok amamas long sapot bilong olgeta dona patnas i kam long pipel bilong Papua Niugini.

Nesanel AIDS Kaunsil Sekretariat i developim wanpela nupela Nesanel HIV na AIDS Strateji 2011-2015 wantaim bikpela lukave long banisim, lukautim gut na sapotim na strongim ol sistem bilong wok we nau i stap. Dispela bikpela pepa i mekim rot long mipela olgeta long mekim wok long daunim namba bilong HIV namel long femili biklong mipela na komyuniti mipela i stap long en. Dispela gol em mipela olgeta i mas wok bung wantaim long kamap long en long 2015.

Toktok bilong Siaman, Nesanel AIDS Kaunsil



Sir Peter Barter, OBE, Kt

Em dispela taim bilong yia gen long Disemba 1 we Papua Niugini i joinim wol long luksave long Wol AIDS De.

Taim dispela Intanesenel het-tok bilong dispela de em 'Universal Access and Human Right' i kam, Nesanel AIDS Kaunsil i kamap wantaim sotpela het tok long makim dispela de long PNG em 'Testim na Tritim – Em i rait blong yu'.

Dispela sotpela na ples-kila het toktok em sut long ol rurel eria we HIV i muv i go pinis long hap kwik taim tru na i go bikpela. Rurel eria em ples we planti ol manmeri o populesin bilong PNG i stap long en olsem na PNG mas lukluk moa long dispela eria na kamapim moa wok long banisim sik ya long go bikpela long rurel eria na luksave olsem 90 pesen long manmeri bilong yu i stap orait na i gat banis egensim HIV na AIDS.

Nesanel AIDS Kaunsil i no long taim i go pinis i tok-orait long Nesanel HIV na AIDS Strateji 2011 i go 2015 (NHS). Dispela nupela plen i lukluk long mekim ol wok we i bhainim wanem ol gutpela wok i kamap pastaim na stre-

tim ol hevi long wanem samting PNG i ken mekim. Bikpela lukluk insait long dispela plen em long banisim sik HIV na narapela ol sik nogut taim manmeri i slip wantaim na daunim ol hevi long wan wan pipel, femili na komyuniti.

Taim rot long banisim sik em ki long strong nesanel HIV wok bilong mipela, i gat wok i stap yet tu long givim marasin i tritmen long ol Pipel husat i stap nau yet wantaim HIV (PLHIV). Bikpela wok i stap nau long kamapim moa rot long bringim ART tritmen sevises i go long olgeta hap long PNG long helpim ol PLHIV.

PNG i nid long kamapim gut ol haus sik na helt senta na tu strongim wok bilong ol helt wokman meri olsem ol rurel helt woka na ol narapela publik sevans long bringim gutpela HIV tritmen sevise. PNG must lukluk gut na painim sampela moa gutpela rot long bringim tritmen sevise i go long ol manmeri long ples o rurel eria na yusim ol lain olsem komyuniti bes ogenaisesin (CBO), non-gavman ogenaisesin (NGO), ol sios (FBO), gavman sekta lain olsem ol distrik na lokal level gavman na ol femili netwok.

Wok bilong lukautim na sapotim ol dispela lain husat i stap wantaim sik HIV em bikpela samting na yumi mas noken lusim. Wok bilong lukautim na

sapotim long sait bilong banisim HIV i stap bipo long tritmen o marasin i kam insait long PNG na em bikpela samting olsem wok yam as go het yet long olgeta level bilong sosaiti.

Wok bilong strongim komyuniti sapot program olsem hom-bes kea na sapot, fisiolojikal sapot bilong ol PLHIV na ol femili bilong ol, sevise bilong ol pikinini husat papamama i dai long sik na sapot long banisim sik long kamap em ol bikpela wok bilong HIV rispons. Insait long planti ol komyuniti pasin bilong rausim ol lain wantaim sik o lain PLHIV i stap yet na dispela i ken stop long kamap sapos moa aweanes program i kamap na tu ol lain husat i gat sik o PLHIV i mas kamaut na mekim aweanes. Ol dispela lain i ken kamaut na toktok wantaim sapot bilong femili na komyuniti long mekim ples bilong yumi i stap fri long pretm, pasin bilong luk-daun na kros-pait long kamap.

Wol AIDS De em gutpela taim long mipela olgeta – wan wan manmeri, komyuniti, femili, bisnis haus, ol sios, sivil sosaiti na ol politikal lida long mekim samting stret long luksave olsem raits bilong ol manmeri i stap gut na nesanel gol bilong yumi long banisim HIV na AIDS, tritmen na pasin long lukautim ol lain i stap wantaim sik i ken kamap.



WOL AIDS DE

PROGEM

Ples: Sir John Guise Stadium

Taim	Wanem Samting Bai Kamap
6:30 am	Statim program long Somare Faundesin Haus
7:00 am	AIDS Wokabaut stat
8:00am	Welkam
8.05am	
8:15 am	Redim bilong RED RIBON
8:20 AM	Soim nupela NACS logo na givim prais long man husat i disainim logo

BIKPELA PROGEM

Lonsing- Nesanel HIV na AIDS Strateji 2011-2015 Rt Hon. Gren Sif Sir Michael T Somare, GCL,GCMG, CH CF KStJ

9:30 am	Ol Gest i kam
9:45 am	Praim Minista i kamap - Rait Honorabel Gren Sif Sir Michael Somare GCL,GCMG, CH CF KStJ
9:50 am	Prea long Opim Seremoni
9:55 am	Nesanel Entem na Pledj
10:00 am	Welkam Toktok
10:10 am	Bikpela Toktok
10:30 am	Minista bilong Helt na HIV i kisim ol NHS pepa na givim i go long han bilong Praim Minista
10:40 am	Ofisal Lons bilong NHS
10:45 am	NACS Siaman i askim Praim Minista na ol narapela bikman long kisim liklik kaikai
10:55 am	MC toksave long go bilong Praim Minista na ol bikman
11:00 am	WAD Song to makim pinis bilong seremoni
Seremoni i pinis	
11:30 am - 1pm	Liklik kaikai bilong olgeta invaited gest

Kisim HIV tritmen long stap longpela taim

Em i stap long dispela ol ples long PNG:

- NCD:**
Heduru clinic, St Mary's Medical Centre, POM Private Specialist, Lawes Road Clinic, 9 mile Clinic, Anglicare Stop AIDS;
- ALOTAU:**
Hagu Clinic;
- ORO:**
Siroga clinic & Popondetta General Hospital;
- WESTERN:**
Tabubil Hospital, OTML Ok Tedi Clinic, Good Samaritan VCT & Himara Kigiro Clinic;
- GULF:**
Erei Tave Uvi Clinic, Kapuna Health Centre;
- CENTRAL:**
Moreguinea Health Centre
- WESTERN HIGHLANDS:**
Tininga Clinic, Rebiamul Clinic, Nazarene Hospital, Kudjip
- EASTERN HIGHLANDS:**
Michael Alpers Clinic, Asaro Health Centre, Kainantu Health Centre
- SIMBU:**
Prupra Clinic, Kundiawa, Mingende Rural Hospital
- SOUTHERN HIGHLANDS:**
Epeanda Health Centre, Ninna Clinic, Mendi, Moro Oil Search
- ENGA:**
Endakalipis Clinic, Wabag, Mambisanda HC, Yampu Health Centre, Porgera Hospital, Playam
- MOROBE:**
Anua Morin DCC,
- MADANG:**
Ramu Agriculture Clinic, Id Inad Clinic, Yagaum Health Centre, Gaubin Health Centre, Family Clinic Madang
- EAST SEPIK:**
Nana Clinic Wewak
- SANDAUN:**
Odi Clinic, Vanimo, Vanimo Catholic Diocese
- EAST NEW BRITAIN:**
Peter Torot Clinic, Maravut Resource Centre
- AUTONOMOUS REGION BOUGANVILLE:**
Buka General Hospital, Hahela VCT Centre
- WEST NEW BRITAIN:**
Kimbe General Hospital, Valoka Health Centre
- NEW IRELAND:**
Kavieng General Hospital
- MANUS:**
Lorengau General Hospital

Go lukim VCT Senta or klinik klostu long yu nau!

LUKSARE HARIAP NA KISIM MARASI I MIN OLSEM YU BAI STAP LONGPELA TAIM – KISIM HIV TRITMEN NAU!